

ცხოვრება

ორკვირული სამეცნიერო, სა-
ლიტერატურო და საპოლიტიკო
უფრნალი.

შ ი ნ ა ა რ ს ი:

1. ლექსი, გორგისა.
2. „პრიგავარის ღვდელი“, ამბავი, მელა-
ნიასი.
3. იცი, რათ შემიყვარდი? დ. თურდო-
სპირელისა.
4. ცივი ლოდი, ლექსი, ობოლი მუშისა.
5. ნიძლავი, გ. ალისა.
6. უკანონო დედა. მოთხრობა, ობოლი
მუშისა.
7. ორი სიზმარი, დასას. სან. გურულისა.
8. შურის ძიების სხვერბლნი, გ. ებრა-
ლიძისა.
9. მერცხალს, ლექსი, ილ. გოგისა.
10. ქართული მწერლობა 1915 წ.: ხომ-
ლელისა.
11. ბიბლიოგრაფია.
12. ომი და კულტურა, გერონტი ქი-
ქოძისა.
13. მგლები ცხვრის ტყავში, პ. ონრო-
ბეთელისა.
14. რედაქციისგან.

15 იანვარი 1916 წ.

ქ უ თ ა ი ს ი

სტამბა „მობა“, ქარვასლის ქ., სახლი ჩარეკოვისა.

მიიღება ხელის მოწერა 1916 წლ.

სალიტერატურო, საპოლიტიკო და საძეგნიერო ჟურნალ

„ს ს ო ვ რ ე შ ა“ - ზეი,

რომელიც გამოვა ორ კვირაში ერთხელ რომანოზ სპ. ფანცხავას რედაქტორობით.

ჟურნალში საუკეთესო სალიტერატურო ძალები ითანამშრომლებენ. წლიურათ ჟურნალი ეღირება 5 მ.; ნახევარი წლით 3 მ., სამი თვით 1 მ. და 10 შ., თვიურათ 10 შაური.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ.

ხელის მოწერის დროს 3 მ., პირველ აპრილს 1 მ. და პირველ ივნისს 1 მ. ქუთაისში ხელის მოწერა და ნუმრების ყიდვა შეიძლება მხოლოდ თომა მთავრიშვილის წიგნის მაღაზიაში, ჭიათურაში—პლატონ კილასონიასთან, სამტრედიისში—მინა კობალეიშვილთან, ფოთში—კოწია გამყრელიძესთან, ბათუმში—„განთიადის“ კანტორაში და ბაქოში—მეთოდე კაკაბაძესთან.

ფული უნდა გამოიგზავნოს ამ მისამართით: Кутаисъ. Роману Спиридоновичу Панцхава.

სსოვრება № 2.

15 იანვარი.
1916 წ.

ორგანიზაციული საბოლოო, სალიტერატურო და სამეცნიერო ჟურნალი.

მე არ ვულოცავ*)!...

მე არ ვულოცავ... და არც მსურს ვინმემ,
რო მომილოცოს ახალი წელი!
ახალი მხოლოდ სიტყვით, სახელით,
საქმით ისევ ის... ისევ ის ძველი!...

ისევ დამპალი, მძიმე აერით
ფერ დაკარგული მთა, ბარი, არე...
ისევ ის ძველი, ჩვეულებრივი,
გძნობის მომწხამი სურათა მწარე:

ისევ ძლიერთა კარგათ ცნობილი
ვერაგი საქმე... სიცილ-ხარხარი...
ისევ უძღურთა ძლიერთ კლანკებში
ტანჯვა-წამება... ყოფნა საზარი...

უმცირესობის კვლავ უდარდელი,
კმაყოფილებით საესე ცხოვრება;
უმრავლესობის ისევ სიმშლილი,
ისევ სიტიტვლე, კვნესა-ვაება....

ისევ იუდა... ფარისეველი...
ყველგან შური და გაუტანლობა...
ისევ ძმისაგან ძმის საფლავის თხრა...
ისევ სიბნელე... ისევე მტრობა...

ისევ სისხლის ზღვა... ისევ სიკვდილი...
მილიონობით ქვრივი, ობლები...
ისევ ხიშტები, თოფ-ზარბაზანი,
ტყეის მტყორცნელი და ყუმბარები...

ისევე ცეცხლი... ცეცხლი ძლიერი...
გაკეთებულის მტვრევა და რღვევა...

ისევ ხალხისგან ხალხისა ჟღერება...
ყველგან ცრემლები... ყველგან დარბევა...

დღეს ეს სურათი უშნო, საზარი
ძველმა გადასცა ახალსა წელსა
და, რა ნება გვაქვს, სანამ წინ გვიძევს,
ამ დღეს ვულოცდეთ ჩვენ ერთმანეთსა!...

მე არ ვულოცავ... და არც მსურს ვინმემ,
რო მომილოცოს ახალი წელი!...
ახალი მხოლოდ სიტყვით, სახელით...
საქმით ისევ ის... ისევ ის ძველი!...

გორგი.

„პრიზავარის ღვდელი“*)

(ამბავი)

IV

მოულოდნელათ ღვდლობის შოვნამ ძილ-
ისგან აღადგინა, თუ წარმოშობა სრულიათ
ახლათ, — მხოლოდ მაქსიმეში იჩინა თავი გძნო-
ბამ ოვისი ღირსების განდიდებისამ. ეს იყო
მიზეზი, რომ იგი მისვლის უმაღლეს სამრევლო-
ში შეეცადა დაეჭირა მრევლთან ისეთი განწყო-
ბილება, რომელიც მოუპოვებდა მას ნდობას,
სიყვარულს და პატივს. ხოლო ამ მიზნის მისა-
ღწევათ, მან დაიწყო ხშირათ სასოფლოზე გა-
მოსვლა და ამხანაგური საუბრების გა-
მართვა მრევლთან. საუბრების საგანს ყო-
ველთვის შეადგენდა იმ პარტიის შოძღვრება,
რომელ პარტიასაც მამა მაქსიმე აკუთვნებდა
თავის თავს. დამოკიდულება და დაახლოვება
მრევლთან იქამდე გულწრფელი იყო, რომ მაქ-
სიმე ღვდელი არ უკადრისობდა სოფლის დუ-

*) ამ ლექსის დასტამბვა საახალწლო ნუმრისთვის
ვერ მოვასწარიო.

რედ.

იხ. „ცხოვრება“, № 1.

ქანშიაკი პურის გატეხასა და ღვინით ყელის გასველებას საშრველს იმ წარმომადგენლებთან, რომელნიც მას თვის უეჭველ თანამოაზრეებათ და მომხრეებათ მიჰდა.

ჯერ ისევ განაჩენის შედგენის დროს, ბევრი მრველთაგანი, ვისაც არ ენახათ და ვერ იცნობდნენ მაქსიმეს, ასე ლაპარაკობდნენ: “ნეტა, ვინ იქნება ი „პრიგავარის ღვდელი“ კაცო, რატო ისეთი უნდა იყოს „პრიგავარის ღვდელი“. „პრიგავარით ღვდლის ამორჩევა რატო არსად გამოიკონია; მენახირეა, თუ მეველე, რო „პრიგავარით“ ვირჩევთ; „უთუოთ, კაცებო, ის სხვა ყაიდისა იქნება, რა-კი „პრიგავარით“ ვირჩევთ; ალბათ, ახლანდელ ღვდლებს არ ეგვანება.“ ასეთი და მრავალი ამ გვარი სიტყვები ისმოდა შაყრილ ხალხში, როცა განაჩენს ადგენდნენ მაქსიმეს შესახებ. ამისთვის საკვირველი არ უნდა იყოს, რომ ინტერესითა და დაკვირვებით ათვალეირებდნენ მაქსიმეს ზოგიერთი მრველთაგანი იმ იმედით, რომ „პრიგავარის ღვდელს“ უთუოთ სხვა რამ განსაკუთრებული ნიშან წყალი და თვისებანი უნდა ქონოდა.

ხოლო, ვინც იცნობდნენ მაქსიმეს, ისინი კვირობდნენ: „როგორ გამოცვლილა ხარებაო (გამოცვლილი სახელი მაქსიმესი),—არ იყო, თავში ვუფაზუნებდით ყველანიო; ახლა კი სიტყვასაც ვერ შებედავს კაციო.“ მართლაც, რასაც ლაპარაკობდა მაქსიმე, ხალხი უსმენდა, პირველათ, ხმის ამოუღებლათ, ვერ უბედავდნენ სიტყვის შებრუნებას, ან ნათქვამის განხილვას. მარა, რამდენიც დრო გადიოდა, იმდენი ეჩვეოდნენ. ხოლო ერთ დღეს, როცა მაქსიმემ დაიწყო თავისებურათ საუბარი, აღარც-კი აცალეს მას და აქით-იქიდან მიაყარეს ღიდი ხნის მოგუბებული პასუხები მათ, რაზედაც და, როდისაც-კი ესაუბრნა მათთან.

— არა, შე რო ამობ, ღვდელიო, უთხრა ერთმა, ყველაფერი საერთო იქნებაო, ეს როგორღაც ვერ გამოიგია. დაიცა, მე ვიმუშაო, ოფლი ვღვარო და ძეწკიამ-კი, რომელიც მუშაობას ისე გაუბრუნა, როგორც შავქირს, უნდა მაიკეცოს მზა სუფრაზე და შეექცეს? იქნე-

ბა, რაც კაი კერძი იყოს სუფრაზე, თვით ძეწკიამ მიირთვას და მე-კი მარტო ნახირ-მახალეები გადმომიყაროს.

—მაშინ ძეწკიასთანა უსაქმური და ყალბანა ხალხი აღარ იქნება,—მიუჯო მაქსიმემ—მაშინ ყველამ უნდა იმუშაოს.

—მწყემსებიც ხომ უნდა გვყანდეს მაშინ, რო სახრით მიგვრეკონ ხოლმე, როცა მუშაობის დროა, სამუშაოზე და, როცა ჭამის დროა—სუფრაზე, როგორც მემცხვარეები ცხვრის ფარას ერეკებიან?

—პირუტყვებით უნდა გადავიქცეთ—მაშ, არ ეტყობა? თუ არც სახლი გვექნება საკუთარი, არც კარი,—მეტი რაღა დავგრჩენია? როგორც მშიერი მგელი დწანწალებს და, საცა მოუხდება, იქ მიეგდება. ჩვენც ისე ვიქნებით; აქ რაღა დიდი გამოცანა უნდა!

—აბა, პირუტყვებსა და ნადირებს სწორეთ ახლა ვგვევართ;—წარმოთქვა მაქსიმემ, ცოტა აღელვებისა და გაჯავრების კილოზე—რათვანც არც განათლება გვაქვს და არც თავისუფლება! მაშინ-კი ყველა გავითარებულნი და თავისუფალი იქნება და ისე მოიქცევა, როგორც უჯობს და უნდა.

—აბა, მეც სწორეთ მანდა ვარ, აი! თავისუფალი ვიყო, ძალას არავინ მატანდეს მუშაობაზე, ცოლ შვილი არ ჰატაროდეს; მზა მხარულათ მოგვიდიოდეს ყველაფერი—საქმელიც, სასმელიც, ტანსაცმელიც, ფეხსაცმელიც—მეცა და ჩემ ცოლშვილსაც და გიჟი ვიქნები, რო ვიმუშაო-და?!

—ეგეც რომ არ იყოს, მუშაობაც არი და მუშაობაც! როგორ გინდა შუფარდო ახლა მკათათვის დღეში დილით საღამომდი წაკუხული მუშაობა მომკლისა და ამავე დროს ჩრდილში, მოსვენებით, მუშაობა, თუნდ ხარაზისა, ან ღურგლისა? ვილა გიჟი მაინდომებს ყანის მკასა და სხვა საქნელო საქმის გაკეთებას?—ყველა ადვილსა და სასაამოვნო საქმეს მიეტანება.

—ჰო, ვთქვით, არც უსაქმური და ყალბანა ხალხი-ღა იქნება მაშინ; არც საქნელო საქმეს დაერიდება ვინმე-ყველანი იმუშავენ. ზოგი რო ტანთელია და ბევრის გაკეთება შე-

უძლია და კიდევ გააკეთებს; ზოგი კიდევ რო სუსტია და არ შეუძლია დიდი საქმის გაკეთება და ჭამა-სმით-კი ბევრ ტანმთელ ადამიანს აჯობებს; ან ზოგს, რომ დიდი ცოლშვილი ყავს და ზოგს-კი არაფერია—ბრალი არ იქნება ასეთი ხალხი?

—მაშინ ცოლშვილიც ხო საერთო იქნება! ვაიმე, თედო, ჩვენისთანა უსახურა და ჟამი კაცი იქნება მაშინ საბრალოსი. კაცო, ახლა თუმცა ლამაზი ბიჭი არაფერია, მარა მკლავში ღონე მაქვს და მუშაობის ხალისი გულში. ყველა გოგო გამოწყვება ახლა ცოლათ. რომელი კი გოგოს მშობლები მეტყვიან უარს? შანახვა შამიძლია ცოლისა! მაშინ-კი ე გოგოებიც ხო თავისუფლები იქნებიან; ხო აღარც, ჯვარის წერა იქნება მაშინ, როგორც ამბობენ, და ვიყი, ვინ იქნება, რომ მე და შენისთანა უმგზავსოებსა და ულამაზოებს დაუჯდეს და შეყუროს? ისევ ე ოჯახ ქორი ძეწკიასთანა ხალხი იქნება მაშინ მოგებაში!

—თქვენ ისე გგონიათ და ლაპარაკობთ, დაიწყო ისევ მამა მაქსიმემ—რო, თითქოს ახლანდელი ხალხი იყოს მაშინც. მაშინ სულ კულტურულათ გავითარებულნი ხალხი იქნება და იმას, რაზედაც თქვენ ახლა ბაასობთ, სრულიათ ალავი არ ექნება ცხოვრებაში. და თქვენ, თუ შეუძლებლათ მიგაჩნიათ და ვერ წარმოვიდგენიათ სხვა ნაირი ცხოვრება, ეს სულ იმისგან ხდება, რომ ახლა შენ ჩემობასა ყვეხართ შეგოქილი. მაშინ-კი შენ-ჩემობა აღარ იქნება. კულტურასა და სოციალიზმს სულ სხვა ძალა აქვს: ისინი გაანადგურებენ სრულიათ ამ შენჩემობას.

—თუ კი ჩვენც აღარ ვიქნებით მაშინ, მაშ, ყურებს რაღათ გავიჭედავ, ეს ესე და ეს ესე?

—არა. ი კუთულო არი, თუ რაღაცა ცოცხალიზი, ე დედამიწაზე ძლიერი და, ძალოვანი ხო აღარ იქნება? ე დედამიწა ყველა ბალახ ბუღახსა და ხესა და ხეხილს ზრდის და ღალას აძლევს ერთნაირათ. მარა, აბა, აის სხალი მოგლიჯე ძირიან ფესვიანა და იმის ადგილას, საცა იმას ფესვები აქვს, სწორეთ

იქ, ტყემალი ჩარგე სხალს მოისხამს, თუ ისევ ტყემალოს? იმისი არ იყოს, კაცის გულს, რა შაცვლის ისე, რომ შენ ჩემობა არ იყოს, ჩემი შენსას არ მერჩინოს და აქიდან ჩხუბი და დავიდარაბა არ იბადებოდეს? ცხვარი ხო პირუტყვია და ყველაზე მშვიდი საქინელი. აბა, დამშეული ფარა მირეკე თივაზე, თუ, რომელიც კი მათში ღონიერია, რქა არ ამოკრას უღონოს, არ გააგდოს ის და იმისი ადგილი თვით არ დაიჭიროს. ერთნაირი გუნებისათრამ უნდა გადაქნას მთელი ღუნია ხალხი ისე, რომ ერთმანეთი არ დაჩაგრონ, ერთმანეთს არა ბრძიყობდენ და არა სტაცებდენ. არ მესმის, ძმავ, და რავექნა! ჰო ისევ თუნდ აიმ ხეს ვუყუროთ. ერთნაირი სხალი ასხია? ავე, ზოგი როგორი დამკრახულია წითლათ და თამამი, ზოგი-კი, როგორი კუჟანა და დაწლიოკებული. ე ხის ღერო ხო ერთია და ყველა თავისს ნაყოფს ეგ აძლევს ღალასა და საზრდოს და ეგვეც-კი უსამართლობასა შერება და ნართაულობას ეწვევა! თუ-კი ხე მაგასა შერება, ადამიანებში ამოიფხვრება ნართაულობა და შენ ჩემობა?

—შორს, რათ მიდინარ, მახარე! ერთი დედამისი შეილები ვერა ვრიგდებით ერთმანეთში: ერთმანეთს თავ-პირ ვამტვრევთ უბრალორამ საქმეზე და ამოდენა მიღეთი ხალხი, როგორ უნდა მორიგდეს ერთმანეთში?

—მართალია შენი სიტყვა, გლახავ, მარა, რა ვიცი, იქნება, ჩვენ არ გვესმოდეს და მართლა კი რამ იყოს ი ცოცხალიობა. ე ცეცხლი ხო ღვთის გაჩენილია და ჩვენთვის ძლიერ საქირო და სისარგებლო. ხელები რო დაგაძრება, მიხვალ ცეცხლთან, გაითბობ და გიამება. მარა, აბა, პატარა, სუტუმწოვარა ბავშვს მიანებე თავი ცეცხლთან. ის გვექანება პარდაპირ ცეცხლში და; თუ სულ არ დაიბუგა, ხელებს მიანც დაიწვავს. იმისი არ იყოს, იქნება, მართლა კარგი იყოს, ი ცოცხალიზა, თუ რაღაცა და ჩვენ არ ვიცით იმისი მოხმარება, უცოდინარობის გამოთ. ვინც თავდაპირველათ ის გამაიგონა, ტყუილათ არ მაიგონებდა, თუ კარგი არ იყოს.

— ეჰ, რას ამოვ, პეტრე, ე ახალი ხალხია რაღაცა ჩვენ აბუჩათ გვეკიდება და გვატყუებს! აქაო-და წიგნი და წერა არ იცინაო, გონიათ, ყველაფერს, რასაც ვეტყუო, დავაჯერებინებთო. რაც ქვეყნიერობა გაჩენილა, შენ ჩემობისგან ხდება, თუ სხვა რისგანმე, უსამართლობა ყოფილა, არს და იქნება და ცოცრალები არიან ვილაცა, ისინი, როგორ მოსპობენ უსამართლობას? ან ვინ გამოიგონებს ისეთ რასმე, რომ საწყალობელი გლეხი კაცი თავის გაჩენის დღეს არა წყველიდეს?

— ყველა-ყველა, კაცებო, და მართლა ე ქვეყნიერობა რომ გადაბრუნდეს, ყველაფერი შეიცვალოს და ამოიფხვრას ნეტავი მითხრა, ე კაპიტელა ლანძღვა-გინებას მოიშლის და დაივიწყებს?

— შე... შეუკურთხა კაპიტელამ მტკმელს — რათ უნდა დავივიწყო ლანძღვა-გინება? შე .. როცა შენ ყველსა და პურს შეეპტევი და ზედაც წითელი ღვინოს მიირთმევ, გეუბნება ვინმე, ნუ სჭამ და ნუ სვამო, ჭამა-სმა დაივიწყეო? ძეწკია რომ თვეში ათ წყვილ ფეხსაცმელსა ცვეთს ცეკვა-თამაშობაში, ვინა კიცხავს და ვინ უშლის თამაშობას? კუტალა რომ იშოვნის, თუ არა ორიოდ გროშს და ქალაქს გარბის, რომ თრიატებში აზნივოს შავი დლით შავროვილი გროშები, ყილთს უდებს ეინმე, მაგას ნუ ჰზადიხარო?... ჩემი ყველი და პური, ჩემი თამაშობა, ჩემი თრიატები-ლანძღვა გინება არი. კუტალას გუნება თრიატებს მიითხოვს, ჩემი გუნება ლანძღვა-გინებას. კუტალა თვისი სიამოვნების გულისთვის შავი დლით ნაშოვნ გროშებსა ჰხარჯავს, მე-კი არაფერი მხარჯება სიამოვნების მისაღწევად. მე რამენაღვლება, თუ შენ გეწყინება, რომ გაგლანძლო: შენი დედას სულის კლიტის ვასაღები... მე ხომ მიამება და ჩემ ქიას გაეხარებ.

კაპიტელას სიტყვებმა თლად არივ-დარია ხალხი და, ამის შემდეგ, დაიწყეს ლაპარაკი ისეთ რამეებზე, რის აღვნიშნაც აღარა ღირს.

— ამ საუბრის შემდეგ, უცბათ შეიცვალა

მაქსიმე მრევლის თვალში. ყველა ის ღირსებაანი, რასაც მრევლი აწერდა მაქსიმე ღვლელს თავის წარმოდგენაში, ჩამოეცალენ მას და დარჩა იგი იმათ, რაც იყო სინამდვილით. ახლა იგი ყველასთვის მარტო-მარტო „პრივადარის ღვდელი“-და იყო; მის სიტყვასა და დარიგებას ყურს აღარავინ არ ათხოვებდა, ყველა აბუჩათ ეკიდებოდა. ეს კიდევ მაგრე რიგათ საწუხარი არ იყო მაქსიმესთვის, რომ შედეგათ ამ გარემოებას მატერიალური ზარალი არ მოყოლოდა. განწესებულებას თავის ნებით აღარავინ აძლევდა და თვითაც ვერა თხოვდა, რათგანც წინათვე შემოიღო ასეთი დაწყობილება მრევლში. ხოლო სურვილი შემოსავლის გადიდებისა, რომელიც უნდოდა განგებ მიეძინებინა თავისში, არ იძინებდა და მოსვენებას არ აძლევდა მას... დიდ საფიქრებელს მიეცენ ცოლ-ქმარნი. ხშირათ ქონდათ ხოლმე ბჭობა, რჩევა მაზე, თუ, როგორ უშველონ და მოუარონ ამ საქმეს.

რასაკვირველია, ფოფოდიამ ისა-გებლა ამ ხელსაყრელი შემთხვევით, რომ გამოეთქვა ქმრისთვის თვისი გულის წყრომა მაზე, რომ ამ უკანასკნელმა მარტოთ იკისრა ხელომდვანელობა მრევლისა და არა მისი თანამშრომლობითა და დახმარებით, რაც უთუოდ ნაყოფიერი იქნებოდა, რასაც არაოდეს არ მოყვებოდა ასეთი არა სასურველი შედეგი. მარა მინც სამაგიერო არ გადაუხადა ცოლმა ქმარს. პირიქით, თვისი რჩევა მოფიქრებით ძლიერ დაეხმარა გაჭირებულ მდგომარეობიდან გასათავისუფლებლათ...

ბევრი ბჭობისა და ფიქრის შემდეგ, გადაწყვიტეს სისრულეში მოეყვანა მაქსიმეს თვისი მუქარა სოფელ გვემულის ღვდლის შესახებ. გარდა იმისა, რომ ამით ამოიყრდა ჯავრს თვისი ერთ დროს მხაგვრელისას, მრევლშიაც კარგში ჩაჯდებოდა. გადაწყვეტილების სისრულეში მოყვანასაც მალე შეუდგა მამა მაქსიმე. ბევრი აღარ ახანა, დაიწყო სიარული და შივიდა სოფელ გვემულის მმართველებთან. მართვა გამგეობა სოფელ გვემულისა ამ დროს სამი ახალგაზდა სოფელელის ხელში იყო.

V

ოსიკო (იოსებ ყაითმაზაშვილი) ორი წლის ბავში გაყვა თავის დედას, გათხოვილს მეორე ქმარზე მეზობელ სოფელში. როცა იგი მოიზარდა, მამინაცვალმა სასოფლო სკოლაში მისცა — ჩემი სულის გულისთვის კაცთ ვაქცევ ობოლ-ოხერსაო. ოსიკომაც შეასრულა სწავლა სკოლაში და იმავე სოფლის მიკიტანთან მივიდა შევირდათ; ხოლო არ გასულა დიდი დრო, რო მიკიტანმა დაითხოვა იგი ხელმრუდობისთვის. მამინაცვალმა ისევ მიკიტანთან მიიყვანა ახლა სამაზრო ქალაქში, მარა, რაკი თავის ხელობას არც აქ უღალატა, იქიდანაც მალე გამოავდეს.

ამის შემდეგ, ოსიკო მამინაცვლის სახლში დატრიალდა. როგორც „ნასწავლი“, გარდა ვაჭრობისა, სხვა არაფერ შრომასა და საქმეს არა თვლიდა იგი თავის შესაფერათ და საკადრისათ. ხოლო, რაკი ვაჭრობის ასპარეზზე ორჯერ ფეხი გადაუბრუნდა და აღარსად იღებდენ, იმყოფებოდა უსაქმოთ. უსაქმობამ-კი აიძულა იგი დაახლოვებოდა რომანიულ ნიად-აგზე თავისს ახალგაზდა ძალუას-ბიძის ცოლს (მამინაცვლის ძმის ცოლს.)

ოსიკოს ამისთანა საქციელმა დიდი მწუხარება მიაყენათ მამინაცვალსაცა და დედასაც და ოჯახიც საშინლათ აღელვა. აღელდა მთელი სოფელიც, როცა საქვეყნით გამოქვეყნდა და გამოაშკარავდა ეს ამბავი: რათგანც ოსიკოს არავინა თვლიდა სოფელში ოჯახის უცხოთ და ყველანი უყურებდენ, როგორც ნამდვილ შვილს ოჯახისას.

ამ ამბის შემდეგ, ოსიკო გამოდევნეს ოჯახიდანაც და სოფლიდანაც. იგი დაბრუნდა სამშობლო სოფელში და სოფლის მწერლობა ჩაიგდო ხელში. მარა აქაც დაეცარა საქმე. ვერ გამოღვა იგი მცოდნეთთვის თანამდებობისა და ნაწილის ბოქაულის განკარგულებით იძულებული იყო სხვისთვის გადაეცა ეს თანამდებობა. მეტი გზა აღარ დარჩენოდა — ბიძებს (მამის ძმებს) დაეტყუა და აუშალათ დავა თავის მონაწილობაზე. შეყველთებულმა ბიძებმა

შეისყიდეს მისი მონაწილობა და ჩააბარეს ფულათ თვისი კუთვნილი.

ერთი კარგათ მოიპრანჭა ოსიკო ბიძებისგან აღებული ფულებით და „გაუსვა ხელი“, როგორც სოფლელები ამბობდენ, გოგოებსა და პატარძლებს. ისე გაიგეშა და დახელოვანდა ამ საქმეში, რომ იმისთვის არაფერ სიძნელეს არ წარმოადგენდა არც ტყეში, არც ვენახებში, არც სახლში, როცა დაიგულეზდა სახლს უკაცურათ, პატარძლებისა, თუ ქალწულ ქალების ხელში ჩაგდება, ვინც—კი თვალში მოუვიდოდა. თითქოს ბედიც უღიმოდა მას ამ საქმეში. თავის დღეში წინააღმდეგობას, თუ არ თანახმობას, ვერა პოვებდა ვერავისში და არც არავის გამოუცხადებია, რო დალადაობა იხმარა მანვე, მიზეზი ამისა, უთუოდ, ის იყო, რო თუმცა ოსიკო არ იყო ბუნებით ღამაზი, მარა რათგანც გამოიპრანჭა კარგ ტანისამოსში და განგებ თავსაც ილამაზებდა. მაინც „ლამაზ ზიკათ“ ითვლებოდა გოგოებისა და პატარძლების თვალში. ბევრი სხვა ყმაწვილი ბიჭიც გაგეშა ამ ხელობაში: ზოგი პირდაპირია ხელმძღვანელობით, ზოგიც მიხედულებით და წამბამელობით გაუხდა მიმდევარი. ისე მიეჩვიდა გაუადვილდა პატარძლების გულისთვის სახლში შეჭრა და შევარდნა, რო შემდეგში უპატარძლო და უქალწულო ქალის სახლებსაც ესტუმრებოდა ხოლმე. თუმც-კი ესეც აუცილებელ საჭიროებას შეადგენდა მისთვის, მას უნდოდა დროების გატარება თვის სწორ ამხანაგებთან და ამფსონებთან, რომელთა რიცხვიც, რაც დრო გადიოდა, მით იზრდებოდა. ჩაკმა დახურვასაც ხო ვერ უღალატებდა. ყოველ ამისთვის—კი საჭირო იყო საშვალეობა. და, აი, სწორეთ საშვალეობათა მოსაპოვებელ წყაროთ ოსიკომ გაიხადა სახლების, მარნების და საქათმეების ტენვა-გაქურდვა. შემდეგში ეს წყარო საშვალეობათა მოპოვებისა გააფართოვა და გააღიდა მითი, რო თვისი მოქმედება გიდაიტანა მახლობელ სოფელშიაც. ერთი სიტყვით, ოსიკომ სულ ცოტა ხნის განმავლობაში, სოფელს გააგონა და დაანახა ის, რაც თავის დღეში არავის არც ყურით გაეგონა, არც თვალთ დაენახა.

თუ ზოგიერთი ახალ-გაზდა და ყალბადანა ქაბუკი თანაუგძნობდა ოსიკოს და იდეალათყავდათ დასახული იგი და მისი ქცევა; ძველი ხალხი და მომეტებული ნაწილი ახალგაზდობისა, (რომელნიც უფრო ტყესა და მიდორში აღამებდენ) გულ-ამღვრეულნი უყურებდენ ოსიკოს და ბრაზი მოდიოდათ, რომ იგი დაუსჯელათ აუპატიურებდა პატარძლებსა, ვაუთხოვარ ქალებს და რყენიდა ახალგაზდობას. ბევრჯერ სასოფლოდაც ყოფილა ლაპარაკი და რჩევა მაზე, თუ, რა ნაირათ ეშველათ საქმისთვის. მარა ლაპარაკი და რჩევა ხალხისა ოსიკოს ბედზე ყოველთვის უშედეგოთ თავდებოდა.

ხოლო, ბოლო დროს სოფელს აევსო მოთბინების ფილა, მოახდინა სასოფლო კრება და დაადგინა, განაჩენი, რომლითაც თხოვდენ სოფლის მცხოვრებელნი მთავრობას ოსიკოს გადასახლებას სადმე შორს ქვეყანაში მარა ოსიკოს ბედმა აქაც იმუშავა. ჯერ განაჩენი არც-კი იყო ხელმოწერილი სოფელელებისგან, რომ უცბად დაბერა ახალ მოძრაობის ქარიშხალმა და ამ ქარიშხალმა-კი სულ სხვა ნაირათ დაატრიალა ჩარხი ცხოვრებისა, საზოგადოთ, და ოსიკოსი, კერძოთ.

VI

ყასუმა (ყარამან ბარბაქაძე) მეცხვარე მამამ პატარაობითვე წაიყვანა ცხვარში. — მინდა ახლავე შევაჩვიო მწყემსობასაო; — ეუბნებოდა იგი ცოლს. — ისევ მწყემს კაცს, თუ უდგია ახლა სული, თორე, აბა, რა ყრია ხვან-თესვაშიო. ჩაპირკიტებს კაცი შავ მიწას, ებძვის, ჯანსა და ღონეს იგდებინებს და ხელში-კი არაფერი უქირავს; აი, თუნდ ჩემი სახლიკაცები ავიღოთ, ამის მაგალითადლო. მართალია, სამწყემსოსაც-კი სდევს ხანდის-ხან ზარალი, მარა თავის დღეში ისე არ დაზარალდება მწყემსი, რომ ჯონი გარეცხოს და მაინცა და მაინც შავი მიწის მომუშავეს არ აჯობოს. ჯანისა და ღონის დაზოგვა და შენახვა კიდე სხვა არისო: მწყემსი მუდამ ყალბადანად დადის ჯან-ღონე დასვენებულიო. მეორეც ესა, მწყემსი მთაზე რომ მიდი-მოდის, ბევრს ავსა და კარგს ჰხედავს; ბევრი ავი და კარგი ესმის, თვალს ახელს,

გულს აყოლებს, იღვიძებს, იფხიტებაო: ვაქრობას ეჩვევა და გამოცდილებას იძენსო.

ათი წლის ყარამანი მამამ მთაზე წაიყვანა. იგი ძლიერ ახარებდა და აღტაცებაში მოყავდა მას მამა თვისი ცქვიტი და მოხერხებული ქცევით სამწყემსოს მოვლაში. „ეს წუწკის შვილი, უთუოთ კოჩალი ვინმე გამოვა! „აბა, შეჰხედეთ, თავისზედ უფროსსა და გამოცდილ მწყემსებს არაფერში ჩამოუარდებათ!“ ამოზდა ხოლმე მამა მისი მეტის-მეტე სიამოვნებისგან გამოწვეულ ღიმილით. მხოლოთ ხან მოკლე იყო მისთვის ეს სიამოვნებითი ღიმილი.

ერთ ზაფხულს, როცა მამამ ყველგები წამოიღო მთიდან, მაშინ, ყარამანმა რამდენიმე თოხლი გაყიდა; მხოლოთ მამას, როცა იგი და ბრუნდა მთაში, დაუმალო — უთხრა, ნადირმა მომსხლიტაო. მამამ მაინც შეტუტყო ოინი და კარგათაც მიამუყავა — ჯერ ლაწირაკია, მიწას არ ამოჰმლია, ეს ჩაიდინა, როცა წამოიზდება, ხო სულ ხელი დამახანინა სამწყემსოზედო — შეჩიოდა თავის ამხანაგ მეცხვარეებს. ყარამანმა-კი ისეთ შეურაცხყოფათ მიიღო მამისგან ცემა, რომ მეორე დღესვე, როცა სხვა მეცხვარეებთან ერთად ცხვარი გარეკა ბინიდან საძოვარზე, ჰკრა ქუსლი და გადავიდა თუშ-მეცხვრეების ბინებში. მთიდან ბარში თუშების ცხვარსვე ჩამოყვა. მემცხვარობას თავი ანება; სახლშიც აღარ, მოსულა. წავიდა და ერთ თავადი-შვილს მეძროხეთ დაუდგა.

თავადს მეძროხეთ მომეტებულ ნაწილათ თარაქამა-თათრები ყავდა, ამათ დაუახლოვდა და დაუმეგობრდა სულით და გულით ყარამანი, რომელიც „ყასუმად“ მონათლეს.. ამხანაგების შემწყობით, ყასუმამ ისე შეისწავლა თათრული ლაპარაკი, რომ თათრებში ვერ არჩევდენ; მათივე საშვალგებით გაცნო ბევრ სხვა თათრებსაც ყახახ-ბორჩალოში. ამ გაცნობას-კი მოყვა შედეგათ გამუდმებული ქურდობა ცხენებისა და სხვა ოთფეხი საქონლისა, როგორც სოფელ გვეშულში, აგრეთვე მის მეზობელ სოფელელებშიც. ყასუმამ ამ სოფლებში გააჩინა აგენტები. აგენტების მოვალეობას შეიარგენდა მოპარვა სოფლათ ოთხ-ფეხისა და გადაცემა ხელ-

ში ყასუმასთვის; ეს უკანასკნელიც მოაქცევდა ხოლმე მოპარულ საქონელს ყაზახ-ბორჩალოში. დიდ-ძალი ცხენი და სხვა ოთხ-ფეხი საქონელი გადარეკა მან ამ მხარეში, როგორც სამშობლო სოფლიდან, აგრეთვე სხვა სოფლებიდანაც,—თვისი შობელი მამაც-კი არ დაინდო და მისი ცხენებიც უძახა ბორჩალოში.

გააცივა ყასუმამ ქურდობით მთელი მახრა და უფრო-კი სოფელი გვეშული. ყველამ იცოდა აშკარათ, ვინც იყო ქურდი, ვისაც მიუდიოდა ნაპარევი საქონელი გასასაღებლათ. მარა ხელ ჩასაკიდი საბუთი არავის ქონდა, რო ყასუმაცა და მისიამხანაგებიც პასუხისგებაში მიეცათ. მხოლოთ ბევრი-კი დამკარგავი საქონლისა, მიმართავდა ხოლმე ყასუმას და თხოვდა, რასაკვირველია, დიდი საპოვნელის დაპირებით, რო მოენახა დაკარგული საქონელი, რასაც ძლიერ ადვილათ, პოულობდა იგი.

ყასუმა ისე გაეჩვია თათრებში ცხოვრებას, რო რამდენიმე წელს თავის სამშობლო სოფელში ფეხი აღარ დაუდგამს. მაშინც-კი არ მოვიდა სოფელში, როცა მამის სიკვდილი შეიტყო, ხოლო მამის სიკვდილის შემდეგ, დაიწყო ხანდისხან მოსვლა სოფლათ. მარა ისე რომ არც მას იცნობდა ვინმე სოფელში პირადათ (იცნობდენ, როგორც გამოჩენილ ქურდს) და არც ის იცნობდა ვისმე (გარდა თავის აგენტებისა, რომელნიც არ აჩენდენ სახალხოთ მასთან ნაცნობობას). იარებოდა ორი სამი დღე სოფელში ეულივით და, შემდეგ, ისევ მიემგზავრებოდა „თავისს“ თათრებთან. ბოლო დროს, ცოლიც შეიერთო; მოიყვანა თავის სამშობლო სოფელში, მარა ვერც ამ გარემოებამ მოაშინაურა და მოაბრუნა იგი სოფლისკენ. ცოლი მისი ცხოვრობდა დედამთილთან, მაზლებთან და თვით-კი ორ-სამ თვეში ერთხელ თუ ეჩვენებოდა მას, ისიც ძლიერ ცოტა ხნით.

ცოლის ბედმა იმუშავა, თუ ყასუმას უბედობამ, ამ უკანასკნელს შემოაკვდა ერთი თათარი. მოკლულის ნათესავებმა გადაწყვიტეს სისხლის აღება და დასდევდენ მას მოსაკლავათ; სიკვდილისგან გადასარჩენათ ყასუმამ გადაწყვიტა სოფლისთვის შეეფარებინა თავი და ამითვის დაბრუნდა სოფელში სამუდამოთ. ეს მო-

ხდა სწორეთ იმ დროს, როცა დაიწყო ახალი მოძრაობა.

მიხა ბერუაშვილს ტფილისიდან ცოლის ძმა (მკვრელი—პარტნოი) ეწვია სტუმრათ. თუმცა დაც და დის ქმარიც ხელს უწყობდენ მას ეტარებინა „ქალაქური დროება“, რაცხან მათთან სტუმრათ დარჩა, მარა სტუმარი მაინც არ იყო კმაყოფილი მასპინძლებისა და ნამეტნავათ მათი „ცხოვრებისა“ მით უმეტეს, რო ვერავინ უშოვნეს ამფსონათ დროების გასატარებლათ.

VII.

—სარჩო გაბადიათ და მოხმარების შნო-კი არა გაქვთო, ეუბნებოდა ხოლმე იგი სიძესა და დას.— თუ თქვენ არა გაქვთ შნო თქვენი ქონების მოხმარებისა, შვილები მაინც ისე უნდა დაზარდოთ, რომ იმათ მაინც მიიხმარონ ჭკვიანურათ თქვენი სარჩო-საბადებელი და „განათლებულათ“ იცხოვრონო. ამისთვის შაქრუა (უფროსი ვაჟიშვილი მიხასი) მე უნდა წავიყვანო ჩემთან და ჩემებურათ, ქალაქის ყაიდაზე და გემოვნებაზე უნდა გავზარდოვო.

დაი მისი თანახმობას აცხადებდა ამაზე, ხოლო სიძე დიდი უარზე იდგა და ეუბნებოდა:—რას ამოვ, კაცო? ერთი ორი წელიწადიც, და ბიჭი მეხრეობას შეიძლებს, მხარში ამომიდგება როგორც ძმა, ხელს დამხმარებს და შენ დაგანებებ? ან ახლა რო ევ ქალაქს გამოვაგზავნო, ე ხბოები და ცხვრები ვილას მივაბარო? სხვა კაცი დავიჭიროო მათ მოსავლელათ? აბა, რა ჭკუაა, აქ ჩემთვის დამხმარებელი ხელი საჭირო იყოს და მე-კი ის სხვას დაუთმო, ნემსზე ძაფის აგება ასწავლეთ—მეთქი!

მელანია.

(შემდეგი იქნება)

იცო, რათ შემიყვარდი?!

იცო, რათ შემიყვარდი, ჩდილიოეთის ტურფა ასულო?..

ამიტო—კი არა, ვითომც შენი სული ოცნება იყოს ვაზაფხულის გარიჟრაჟისა..

არც იმიტო შემყვარებხარ, ვითომც თითოულს შენს ვალიმებაზე ნაირ-ნაირი ყვავილები იშლებოდენ მწირს უდაბნოში...

არა!

შენ მისთვის შემყვარდი, რო შენმა თვალებმა... შენმა ფირუშმა. თვალებმა მომაგონეს სამშობლო მხარე...

შორს, ჩდილოეთში გადმოკარგულს, შენმა თვალებმა საქართველო მომაგონეს და მით ააყვავილეს ჩემ გულში ის სასოება-ნეტარების ყვავილები, რომელნიც მოსთვლილნი იყვენ ღუბჭირ ცხოვრების მქისი ნისლებით...

წმინდაა შენი თვალები, ფირუშოვანი. მარა იმავე დროს კაეშნიანია და ლალ-ცრემლიანი.

და საქართველოს ცაც ხომ ისევე ბროლ-სპეტაკია და ნაღვლიანი...

საქართველოს ცაში უცხოთ გამოქანდაკებულა ჩემი მოჭირალი მამულის კეკლუცი სახე...

საქართველოს ცაზე აღსახულია მტანჯავი, მარა მომხიბლავი, დაძა—მოსილი, მარა ლამაზი ზღაპარი საქართველოს არსებობისა...

და შენს თვალებში რო ვიყურები, სწორეთ ამ მშობლიურ ცასა ვხედავ კაეშნით მოსილს.

შენი თვალები შემომყურებენ სევდიანათ ზე მაგონებენ რომ იქ, შორს, შორს დიადი კაკასიის მთების გადაღმა პაწაწინა საქართველოს ფთა გაშლილი ტრედსავით დაციმციმებს კაეშნიანი ფირუში ცა და სპეტაკი ცვრებით—სასოებიანი ცრემლებით ეპყურება მის წმიდა გულსა...

საქართველოს კუშნიანს ცას მაგონებს შენი ფირუში, სევდიანი თვალები და მისთვის მიყვარან ივინი, ასე გატაცებით, ასე თავ-დავიწყებით... მისთვის გადამეფურჩქნა შევების ყვავილებით სული, რომელიც უდაბნოთ... ხრიოკ უდაბნოთ იყო გადაქცეული...

დ. თურდოსზარქლი.

სოფ. ბალაჭოკა.



ც ი ვ ი ლ ო დ ი.

(გ. ჯუღელის (გრ. სვირ-სკანდელის) გარდაცვალებიდან ორი წლის შესრულების გამო.)

როს ცხოვრების ზღვა აღელდა, აბობოქრდა ზვირთ-მჩქეფარე და ბძოლის ჰანგს ვაკიოდა ტალღა სწრაფი, ხმა მქუხარე; როს მაშვრალთა ყოფნის ნავი, ზღვის კეყინზე ირხეოდა, და, როს ცეცხლის, ბძოლის ცეცხლის, ალთ ნაკადში ეხვეოდა, — მაშინ მანაც გაიხარა; გულს უნთებდა ბძოლის ალი, ხელთ აიღო გულთ-მთრთოლვარემ ჩავრულთ მცველი ბასრი ხმალი, შეუტია სანთლის მტერებს, შრომის შვილის მჩავგრელებსა... თავი მისცა და თან გაყვა ზღვის სრბოლას და ზღვის ტალღებსა...

ტალღა დაცხრა!.. ცეცხლიც ჩაქრა!.. კვლავ გამეფდა ბნელ-წყვილიაღი...

კვლავ შემოსა შავის ძაძით უკუნეთმა განთიადი!

ზღვის გულ-მკერდზე ამოძრავდა თავისუფლათ ბნელი ძალა...


ის შებორკეს!.. ბელზებელმა მზისკენ ლტოლვა აუქძალა!..

შავ საკანში შავი ფიქრით მებძოლს გული უღნებოდა, მზის სხივებში გამოზდილი ბნელ ბურუსში ინთქებოდა.

ტანჯვის ცეცხლში გახვეული გულში ზდიდა სასოებას; მოელოდა განთიადსა... მოელოდა გამარჯვებას...

არ დაცალდა!.. ტანჯულს ტანჯვით საპყრობილე არ აკმარეს,
 ბორკილების ჩხარა-ჩხურით გადატყორცნეს შორს, ცივ მხარეს...
 ცივი ქვეყნის დამზრალ ველოზე ობოლს მიწა გაუთხარეს,
 და მებძოლი, მზისკენ მსრბოლი მიაბარეს ცივ სამარეს!—
 მის საფლავეზე ვერ დააფქვევს გულის სატრფო ცრემლსა ცხარეს!—

მტარგვალთაგან შებრალებას ვინ სცდებოდი, ვინ ელოდი?
 მზის ქვეყნის შვილს გულს დაადევს ყინვის ქვეყნის ცივი ლოდი!..
 ობოლ მებძოლს, ობლათ შეთენილს, ეგებ, მამავ, შენ ელოდი?
 ვერ მოგივა... გულზე ადევს ცივი ქვეყნის ცივი ლოდი!
 ვინ ხარხარებს?... ვის ახარებს გმირის საფლავს ჩასვენება?
 ნუ თუ ახლაც აღარა სურთ ტანჯულს მისცენ მოსვენება?!
 მაშ, იკოდენ: არ მომკვდარა! კვლავ მზეს ელტვის მისი სული,
 და კვლავ მაშვრალთ თავს ევლევა, ყინვას მისცა მან სხეული!..
 ჰა, ცის კიდურს ავლვარებს სხივ-მოსილი განთიადი!
 მალე გაშლის სხივთა დროშას, შვების დროშას მზე დიადი!



ობოლი მუჟა.

ნიძლავი.

კატულ მენდესით.

შესანაშნავი დღე იღგა, როდესაც მე და
 მინეტა ქალაქს გარეთ სასეირნოთ წავედით.
 უხმოთ მივდიოდი მის გვერდით. სიამოვნებით
 ვყნოსდი გაზაფხულის სურნელოვან ჰაერს,
 ყურს ვუვდებდი ფრინველთა ჭიკჭიკს და
 აღტაცებაში მოვდიოდი ამ ახლათ გაშლილ,
 ამწვანებულ ხეებით. უცეფ მინეტამ სიჩუმე
 დაარღვია.

— დაგენიძლავები, მითხრა მან, რო შენ,
 აი, ამ წუთში მხოლოდ ჩემზე ფიქრობ.

- ცდები, ჩემო კარგო, გარწმუნებ, ცდები.
- გამოტყდი, რო არა.
- არა, ცდები.
- მაშ, რაზე ფიქრობდი ამ წუთში?
- მე ვფიქრობდი ვარდზე, რომელიც
 აი, იმ ეკალშია გაშლილი.
- აი, მოვიგე... განა შენ შეგიძლია
 უარი თქვა იმაზე, რო მე ვარდს ვგავარ
 და ჩემი ჯინიანობა — კი იმ ვარდის ეკლებს?
 დაეთანხმდი.
- რამდენიმე წუთის შემდეგ, იგი კვლავ
 მეუბნება:

დაგენიძლავები, ჩემო კარგო, რო შენ,
 ახლაც ჩემზე ფიქრობ.

— გარწმუნებ, ჩემო ძვირფასო, რო არა.
ნუ მენიძლავები, თორე წააგებ.

— არა, მოვიგებ.

— წააგებ.

— მაშ, კარგი, თქვი, რაზე ფიქრობდი
ახლა?

— ჩიტზე, რომელიც ვარდებსა და
იასამანის ტოტებში გალობს.

— აკო გითხარი, ახლაც მოვიგე. განა
მეც ისე არ ვქიკვიკობ, როგორც ის ჩიტი ღ
განა მეც ისეთივე ლამაზი არა ვარ?

მე კვლავ დავეთანხმე.

კოტა ხნის შემდეგ, მან კვლავ დაიწყო.

— დაენიძლავდეთ მესამეთ, უკანასკნელათ,
რო ახლაც ჩემზე ფიქრობ.

— ინებე.

— რაზე ფიქრობ?

— მე ვფიქრობ მერცხალზე, რომელიც
მუდამ ერთსა და იმავე ბუდეში ზის და
მუღმივი, განუყრელი სიყვარულით უყვარს
მხოლოდ თვისი ქმარი.

მან გადინახარა.

— აი, ახლა—კი წააგებ.

გ. ალი.

უკანონო დედა.

(მოთხრობა).

I.

ზაფხულის შეწინიერი საღამო იყო...

ზღვის პირათ, ფერდობზე გაშენებულ
ქალაქის ბაღს ზღვის გრილი და საამური სიო
შესისინებდა, ბაღის ხეების ფოთლებს ვალერ-
სებოდა და ზღვის ფაფარ—აყრილ ტალღების
მიერ ნაამბობ ყოფნის ზღაპარს ჩაჩურჩულე-
და. და ფოთლებიც თრთოდენ, ძიგძიგობდენ,
ნიავის მიერ ნაამბობ უცხო ზღაპარს თავის
შრიალში იქსოვდენ. და ეს შრიალი მუსიკის
ნაზ ხმებს უერთდებოდა, მასში ინთქებოდა და
მეტე სინაზით, მეტი სიამ—ტკბილობით ხვდე-
ბოდა ადამიანის გულს...

ბალი მოსეირნებს ვერ იტევდა. იმ პაპა-
ნაქება დღის შემდეგ, მოქალაქენი ვისაც—კი
დრო და შეძლება ქონდა, ყველანი ბაღისკენ
ემუტრებოდენ, რო დამტკბარიყვენ საღამოს
სიგრილით და ცელქინიავის ნაზი ქროლით...

ერთ მოგძო ხეივანში თავი მოეყარათ
მეტათ მხიარულ მოსეირნეთ, რომელნიც შვა-
ში ჩამწკრივებულ ფოთლებშრილა ხეებს
ბაას—სიცილ—ხარხარით გარს უვლიდენ. თი-
თქმის ყველას მხიარულება და კმაყოფილება
აღბექლოდა სახეზე...

მარა, აგერ, სვე—ლალთა კრებულში
ვილაც ფერმკრთალი, ძველი, გახუნებული
ტანთსაცმელით მოსილი არსება გამოერია;
უბედურება ბედნიერებას თვალეში ჩააცქერ-
და...

შრიალა ატლას—აბრეშუმეულობით მორ-
თულ ქალებს სახეზე ზიზღის ჩრდილმა გადა-
ურბინა, და მათ განზე გაიწიეს, რომ ამ ტან-
ჯვის და სიღარიბის ბჰყალებში მყოფ არსე-
ბის არაფერი წაკარებოდათ, არ გაქუქყიანებუ-
ლიყვენ... ხოლო ღარიბი ქალი მათ ყურათ-
ლებას არ აქცევდა; ეტყობოდა, რომ იგი
უკვე შეჩვეული იყო სვე—ლალთა ასეთ
დამოკიდებულებას, და მიმზიდველი სიამაყით
მიიმკვლევდა გზას, ისეთი სიამაყით, რომელიც
მხოლოდ ჩაგრულს შეშვენის და, რომლითაც
თითქო ამბობდა: მეც ადამიანი ვარ, მეც
ისეთივე მიწის შვილი ვარ, როგორც თქვენ,
და თქვენი ზიზღი გულს ვერ მოკლავს, გძნო-
ბას ვერ დამიხშობს, თქვენი ზიზღი თქვენვე
საზიზღრათ გაგზდითო...

იგი ხშირათ გარშემო იხედებოდა,
ვილაცას დაეძებდა და, რო ვერ ნახულობდა,
მის გამხდარ, სანთელსავით ჩამომდნარ სახე-
ზე მღელვარება კიდევ უფრო ამვენებდა მის,
თუმცა გამხდარ, მარა ტურფა სახეს. იგი
კონკებში გახვეული შეწინიერ არსებას ემსგავ-
სებოდა; მის მელნის ტბასავით შავ თვალეში
სევდიან თვალეში, სილაამაზის და სათნოების
ბჰყინვალე ნაპერწკლები გამოკრთოდენ: და
ეს თვალეები მეტყველობდენ, რო მისი პატრო-
ნი, სანამ ასე ჩამოქნებოდა, სანამ გაქვირები-

სა და ტანჯვის უღმობელ ტალღებში ჩაიძირებოდა, ფრიად შეენიერი და ჰაეროვანი ასული უნდა ყოფილიყო. ამასვე მოწმობდა მისი საუცხოვო ომის კონენბი, მის მხრებზე რო მომხიბლავათ იშლებოდა...

აგერ, იგი მიუახლოვდა იმ ალაგს, სადაც მუსიკას უკრავდენ. მუსიკის გარშემო, გძელ—გძელ სკამებით გარემორტყმულ ირგვლ შვა, ბავშები თამაშობდენ, ცელკობდენ და შეუსვენებლათ ხტუნაობდენ. მათი მხლებლები გამდელენბი—კი სკამებზე ჩამომსხდარიყვენ და მუსაიფობდენ. იმანაც ამ წრეში შეუხვია. ცოტა რო გაიარა, ერთ სამი წლის ბავშვს თვალი მოკრა, სახე გაუფლავარდა, სევდიანი თვალები სიყვარულის ცეცხლით აენთო და ბავშს ტკბილი ხმით დაუწყო ძახილი:

—კოლია, შვილო, კოლია!

ბავში უცებ შემოტრიალდა, გარშემო მიმოიხედა, ვერავინ დაინახა და ისევ გაქცევა დააპირა. ამ დროს ძახილი კვლავ მოესმა, კვლავ შეჩერდა და თვალების იქით—აქით ცეცება დაიწყო.

აგერ, კოლია, შვილო, აგერ!.. ვერ მიცანი, გენაცვალოს ჩემი თავი?—მიაძახა მან და ბავშისკენ გაემურა... ბავშმაც დაინახა, სახე გაუნათდა, გაიღიმა და ხელებ—გაშლილი მისკენ გამოიქცა... ქალი თითქო გადაფრინდა, ბავშს ხელი ჩაავლო, გულზე მაგრათ, მაგრათ მიიკრა და კოცნა დაუწყო.

—ჩემი შვილი... ჩემი კოლია... ჩემი ოქრო... ჩემი ბიჭიკო... ჩემო გულის ვარდო, შენ გენაცვალოს დატანჯული დედა—შენი... —ბუტბუტობდა იგი და კოლიას ხან კოცნიდა, ხან იხუტებდა, ხან თავს გადაუწევედა და სიხარულის ცრემლით და სიყვარულით გაბწყინვებული თვალებით დააკქერდებოდა, აღერსით დაყურებდა და, შემდეგ, ისევ გულზე მიიკრავდა...

გძელ სკამზე ჩამოჯდა.

ნახი აღერსის დამატკბობელ ქსელში ახვევდა კოლიას, სულში იძვრნდა...

—ხო მიცანი, გულო? ხომ არ დაგავიწყდა, გენაცვალე, დედა—შენი?—დიდი ხნის აღერსის შემდეგ, შეეკითხა იგი. პასუხის

ნაცვლათ, ბავშმა მას თვისი ფართე და შავი თვალები მიაპყრო, თვალი თვალში გაუყარა, დიდ ხანს, დიდ ხანს ღრმა სიყვარულით უკქერდა და, შემდეგ კი, თავი ძუძუებზე მიაყრდნო, ჩაესტა...

—ოი, შენი ჭირი შემეყაროს, ჩემო ბიჭიკო, ჩემო იმელო!—წამოიძახა მან და ბავშს კვლავ ხვევნა—აღერსი დაუწყო...

ყველა ამას გაკვირვებით ადევნებდა თვალს კოლიას მხლებელი გამდელი. მას ვერ წარმოედგინა, თუ, ვინ უნდა ყოფილიყო ეს ღარიბი ქალი, რომელიც კოლიას—მდიდარ ქერივი ქალის შვილის შვილს, შვილს უწოდებდა... იგი მათ მიუახლოვდა და მიესალმა.

ქალი შეკრთა... სალამზე სალამითვე უპასუხა, ერთ ხანს ორივენი სდუმდენ. ქალი ბავშს თავზე ნახათ ხელს უსვამდა, ხოლო გამდელი—კი მათ უსიტყვოთ მიჩერებოდა. დაბოლოს, ცნობის მოყვარობამ დაძლია და შეეკითხა:

—ალბათ, დაო, თქვენ წინათ ქალბატონთან მსახურობდით?

—ღიან.

—დიდ ხანს?

—ცხრა წელიწადს.

—ღმერთო ჩემო, რამდენი ხანი გიმსახურიანთ!—ვაიკვირვა გამდელი. —მე, აგერ, ორი კვირა არ არი, რაც მასთან ვმსახურობ და სიცოცხლე რამდენჯერ დავიწყველე. იმისთანა სასტიკი ქალბატონი ზღაპარშიაც არ გავგონილა. ყველაფერზე გეჩხუბება მოსამსახურეს, სიცოცხლეს გიმწარებს... თქვენ რკინის ქალი ყოფილხართ, ამდენ ხანს რო გავიძლიათ იმ საშინელ ქალის ხელში!.. შერე, ამდენი ხნის სამსახურის შემდეგ, რისთვის დაანებეთ თავი? ეტყობოდა, რო მას პასუხის მიცემა ძლიერ ეძნელებოდა, და თან გულით უნდოდა, როგორმე მოეშორებია გამდელი. მარა იგი არ ეშვებოდა, ისევ იმეორებდა თავის კითხვას.

—ეჰ, დაო, ვინ მოთვლის იმ მიზეზებს, თუ რისთვის დავანებე თავი იქ სამსახურს!.. ამაზე ლაპარაკი შორს წაგვიყვანს... მე მხოლოდ ამას გებევწები, რომ ამ ბაღანას მიხე-

დე, მოუარე და მზრუნველობას ნუ მოაკლებ...
 ცოდვია... ობოლია, მისი კირიმე! წამოიძახა
 მან, ბავში კვლავ გულზე მიიკრა და თავის-
 თვის ჩაილაპარაკა:

— შეილო, ჩემო ბიჭიკო, ობოლი ხარ,
 გულო! მამა მოგიკლეს და დედა — კი ძალით
 დაგაშორეს...

ქალი ქალის გძობა — ფიქრებს ჩაწვდა,
 მიხვდა, რომ იგი მას ხელს უშლიდა, და გა-
 შორდა, გამძღვლთა ჯგუფში გაერია...

დედა შეილის აღერსით ტკბებოდა;
 მას დავიწყებოდა თვისი ტანჯვა, თვისი მწუხარ-
 რება, თვისი ბედ — შაობა და სრულიათ
 ჩანთქმულიყო დედობრივი სიყვარულის
 გძობათა ზვირთებში...

დედა! დედა! ჰაეროვანი და ნახი არი
 დედის სიყვარული, უცვლელი და მუდმივი!
 მას ვერ გადაეფარება დავიწყების შავი
 აჩრდილი; იგი მარათ თავს ევლება თავის
 ღვიძლს და ყოველ წუთში მზათ არი მისთვის
 თავი გაწიროს!

ღრო მიდიოდა... მზის სხივები კარგი
 ხანია თრთოლვით მოსწყდა ოქროსფრათ
 მოელვარე ცისკიდურს და დედა — მიწა ღამის
 შავ სამოსელში გაეხვია... მოციმციმე ვარსკე-
 ლავთ შორის, ფირუხ ცის თალზე ნახათ
 მიკურავდა პირ — საესე მთვარე და არეს
 მკრთალ სხივთა ქსელში ხვევდა... შუშუნა
 გაზის დიდრონი ფარნები თეთრ, ოდნავ მოვარ-
 დისფრო შუქს ფენდა ბაღს და დღესავით
 ანათეგდა...

ხოლო ის — კი კვლავ შეილს ეალერსე-
 ბოდა, კვლავ თავ — დავიწყებით ესიყვარულე-
 ბოდა...

გამძღვლებმა თავიანთი ბავშები სახლში
 წაიყვანეს. აგერ, კოლას გამძღვლიც ნივიდა
 მასთან და ხელები წასაყვანათ გაუწოა...
 ქალი უცებ გამოერკვა, სახეზე უსახღვრო
 ტანჯვა — მწუხარება გამოეხატა და ბავში
 გულზე მაგრათ მიიკრა... მან იგძნო, რომ
 მის ბიჭიკოს, რომელსაც ასე თავ — დავიწყე-
 ბით ესიყვარულეობდა, უნდა დაშორებოდა,
 და შეიძლება — ოხ, ღმერთო! — შეიძლება აწი

არც — კი ღირსებოდა მისი ნახვა... მისებ
 პირობებში მყოფი ადამიანი ყველაფერს
 უნდა ელოდეს. ვან იცის, სად ვადისროლის
 ცხოვრების უღმობელი ტალღა საწყალობელ
 ადამიანს, სად მიუჩენს მას ბინას, კვლავ აცოცხ-
 ლებს, თუ სიკვდილის შავ სუდარში გახვევს.
 ვინ იცის! იგძნო და ამ გძობამ მთელ
 სხეულში მწვავე ნაკადულათ დაურბინა და
 თვალებიდან ჩუმი, უხმო ცრემლები გადმოაფრ-
 ქვია, რომელნიც ანკარა ცვრებივით ჩამო-
 გორდენ მის ფერ მკრთალ სახეზე და ბავშს
 თავზე დაეწვეთენ...

— რა გატირებს, დაო? — თანაგძნობით
 შეეკითხა გამძღვლი.

— არაფერი... ამ ბავშს სახლამდი მე
 წამოვიყვან, თქვენ წინ გაყევით. — უპასუხა
 მან. ადგა, ბავში აიყვანა და ბაღის ქიშკრის-
 კენ წავიდა...

აგერ, ისინი შეუდგენ აღმართს, ცოტა
 გაიარეს და ერთ სამ სართულიან სახლს
 მიუახლოვდენ, რომლის ფანჯრების მინებზეც
 წითელი ასოებით ეწერა ზეიადამის ქვრივის
 სახელი და გვარი... რამდენსათაც იგი ამ სახლს
 უახლოვდებოდა, იმდენათ გული მეტათ უცემ-
 და, ტანჯვის აღში იწვოდა... მარა ძალას
 იკრებდა, ბავშს ეალერსებოდა და ნელი ნა-
 ბიჯით სახლისკენ მიდიოდა...

სახლის ეზოს ქიშკართან რომ მივიდა,
 შეჩერდა, ბავში რამდენჯერმე ვადაკოცნა,
 „მშვიდობით, ჩემო იმედო!“ სუსტი ხმით
 წარმოთქვა, გამძღვლს ვადაცა და სწრაფათ
 უკან გამობრუნდა... ცოტა გაიარა. ველარ
 მოითმინა და უკან მიიხედა, — ფიქრობდა ჩემ
 კოლიას ერთხელ კიდევ შევხვდო, მარა
 ამაოთ... შედგა ათრთოლებული ქალი... დიდ
 ხანს, დიდ ხანს იცქირებოდა იქით, საითაც
 ბავში მიიმალა და... ძალა — მიხდილი იქვე
 კედლის ძირას ჩაიკეცა, გულ — ამოსკვნით
 აქვითინდა ბედ — შავი...

მარათ მშფოთავი და გრივალევით მოძრავი
 ქალაქი თან-და-თან დადუმდა: მთელი ღღის
 მღელვარებით დაღლილი მოსვენებას ეძლე-
 ოდა... ქუჩებში დუმილი გამეფებულიყო...

ხანგამოშვებით დაგვიანებული მგზავრი, თუ გამოდებოდა და, კედელთან მიკუნჩხულ მტირალ ქალს რო დაინახავდა, „დამთვრალა დედა-კაციო!“ წაილაპარაკებდა და შეუწყუბებლათ ჩაივლიდა... მხოლოდ დამის გუშავი, რომელიც ცის თაღზე ლაღათ მიცურავდა, არ არჩევდა მას სხვა საგნებიდან და თავის შუქს მასაც უხვათ ფენდა, სხივთა რხევით აქანდაკებდა ცალიერ ქუჩაში ობლათ მყოფ, თავ ჩაქინდრულ და ტანჯვით გარემოცულ ქალის ნაკეთვებს... თრთოდა, კანკალებდა მთვარის სხივებით გაშუქებული ქალი...

უცებ, სივრცეში ქარხნის საყვირთა ხმამ გაიზუზუნა... იგი შეკრთა და გარშემო მიმოიხედა.

—დმერთო, სად ვყოფილვარ!—წამოიძახა მან, თვალები მოიწმინდა, აღვა და თავის გზას გაუდგა...

II

ორ სართულიან სახლის ქვეშ, ბნელსა და ნოტიო ოთახს პატარა სანათი ოღნავდა აშუქებდა. შიგ შესული უცხო ადამიანი პირველათ ვერაფერს გაარკვევდა, მკრთალი სინდელის ბურუსში გაეხვეოდა, და მხოლოდ შემდეგ, როცა იქაურობას თვალს შეაჩვევდა, დაინახავდა: გამურულ, ალაგ-ალაგ ნოტიოთი შევით გამოყოფილ ქვის კედლებს, ორ უბრალო ხის ტახტს, კედელთან მიდგმულ უშნო მაგიდას, რომელზედაც ახლა სანათს გარდა, ანთებული ნავთის სამზარეულო იდგა და მასზე—ჩაიდანნი ჩაის წყლის ასადუღებლათ; თვალს მოკრავდა ზგრეთვე აღმოსავლეთით კედელზე ჩამოკიდებულ ღვთისმშობლის ხატს და ფეხს წამოკრავდა დანტოოულ სკამებს.

ანეტა—იმ ორ სართულიან სახლის პატრონის მოსამსახურე ქალი, ტახტთან იჯდა და მასზე მწოლარე მღვიძარ ბავშს უაღფრსებდა:

—დაიძინე, გენაცვალოს დედა-შენი, ჩემი გოგონა. ეგერ, ხედავ, ვასიკოს, შენ ძამიას,

რა ტკბილათ ძანავს... გოგონას თვალები ელულებოდა, თან-და-თან ძილი ეკიდებოდა. ანეტა-კი კვლავ განაგძობდა:

—დაიძინე, შეილო, დაიძინე, მოისვენე. შენი ქირიმე, ჩემო იმედა!.. თქვენ ხართ, შეილებო, ჩემი იმედი, თქვენით მიდგია გაქვირებული სული... თუ ღმერთმა თქვენნი გაზდა მომასწრო, მერე რაღა მიშავს! ეგებ, ამ მონობასაც მოედოს, შეილო ბოლო; ეგებ, მომესწროს, გენაცვალე, რო მუდამ გულცივ და უკაცურ ადამიანებს ძაღლივით არ შეეყურებდე თვალებში... დაიძინე, გულო, დაიძინე...

ბავშს ჩაეძინა. ოთახში სრული მყუდროობა დამყარდა—მხოლოდ ჩაიდანის წყლის შიშინილა არღვევდა გაშეფებულ ღუმილს... მან ბავშს საბანი გაუსწორა, ადგა, ოთახის კარი გამოაღო და იმ მაღალ კორდიდან სივრცეს დააცქერდა...

მის თვალ წინ ერთი მხრით მთვარის სხივებით მოფენილი, მუქი, მოღვივლივე ზღვა გადაშლილიყო. ხოლო, მეორე მხრით, და ბლობში, ზღვის პირათ გორებით გარეშემორტყმული ქარხნები, საიდანაც ათასობით გამოკრთოდნენ ბჭყვიალა ელექტრონის სანათები, თითქო დამის ხშირი ვარსკვლავებიაო. და ამ ხელთქმნილ ვარსკვლავებს შორს, მაღლიდან ხელთუქმნილი ცქრიალა ვარსკვლავები სხივთა ფრქვევით დაყურებდნენ და თვისი სიშვენიერით, უპირატესობით თავი მოწონდათ... ღამე იყო. მარა ქარხნებს მაინც არ ეძინათ. ღუმილით მოცულ სივრცეში ხშირათ გაისმოდა მათი ძლიერი ქშინვა, თითქო ძაღზე დაღლილნი მოსვენებას ლამობენო...

—რომ არსად ჩანს!..—ნაღვლიანა ჩაილაპარაკა ანეტამ და ოთახში შებრუნდა. იგი მაგიდასთან მივიდა, სკამზე ჩამოჯდა, თავი ხელებზე დაიყრდნო და ფიქრებს მიეცა.

—...აგერ, ერთი კვირაა ჩემთან ცხოვრობს და კარგათ მისი ვინაობა არც ვიცი. ვიცი მხოლოდ, რო სახელათ მეღანო ქვია და მეტი თითქმის არაფერი... ნეტა, ვან

უნდა იყოს? სადაური?... მოსამსახურე ქალი
კია, მარა, ღმერთო, რა გავითარებული და
განათლებული არი!.. ნასწავლი უნდა იყოს...
მერე, რა გულკეთილია, — ჩემთან რა ცხოვ-
რობს, გული ტკივა: ისედაც ღარიბ ადამიანს
ხარჯს გაყენებო... რა ექნა, მე უბედურმა,
მართლაც. რომ არ მაქვს შეძლება, დასავით
შევიწინაო და შევიტკობ! ჩემი ორი ბალანა
ვერ მიჩენია იმ ჯამაგირით, რასაც ჩემი
ბატონი მაძლევს, თორე მეღანო, რით უნდა
შევიწინაო... ალაგი-კი არ იქნა და არა, ვერ
იშოვა ტანჯულმა... სად არ იყო, ვის არ
თხოვა, მარა ყოველგან უარი უთხრეს... რა
ქნას ბედ—შავმა... ნეტა, ვიცოდე, დღეს რა-
ტო დაავიანდა? სად არის ამ ღამეში?... ეგებ,
ვინმე ნათესავი ყავს ამ ქალაქში?... არა ამე-
ლამ აუცილებლათ უნდა გამოვკითხო და გა-
ვიგო მისი ამბავი. მეცოდინება მაინც...

ვილაკამ კარზე დააკაკუნა. ანეტა გამო-
ირკვა. სწრაფათ ადგა, „მელანო იქნებაო“, სი-
ხარულით გაიფიქრა და კარი გამოაღო...

—მელანო, შენ ხარ?— შეეკითხა იგი და
ოთახში შეუძღვა. მელანო მაგიდასთან მივიდა,
იქ მდგარ ტახტზე ჩამოჯდა. საშინლათ
დაღვრემილი, დამწუხარებული იყო, მისი შავი
თვალები ნაღვლიანათ იყურებოდა.

—უი, მოვიკვდეს ჩემი თავი, ხომ არ
გიტირია, დაო?! თანავძნობით და გულის
ტკივილით შეეკაზხა მას ანეტა. როცა შეატ-
ყო, რომ იგი საშინლათ მოწყენილი და ნამ-
ტირალევიც იყო.

—თლად ტირილი არ არი ჩემი ცხოვ-
რება?..

—რისთვის, მელანო, ხომ არაფერი შე-
გემთხვა?...

—რა შემემთხვეოდა იმის მეტი, რაც
არაი!..

—დამშვიდდი, ღაო, დამშვიდდი! სულ
ხომ ასე არ იქნება, მალე ალაგსაც იშოვი ზ
ამ ტანჯვასაც ბოლო მოეღება

—ეჰ, ჩემო ანეტა, ალაგის შოვნა ვერ
მოუღებს ბოლოს ჩემ ტანჯვას!.. მარა სად
არაი. რომ არ იქნა და ვერ ველირსე!.. აგერ,

შენ, უცხო ადამიანს გაწუხებ და ეს თლად
მიკლავს გულს.

—მაგზე ნუ წუხხარ, გენაცვალე!.. კო-
ტა კიდევ მოითმინე და, მერე, ღმერთოა მოწ-
ყალე... მარა შენ, რაღაც სხვა გაწუხებს.
ერთი კვირაა ჩემთან ცხოვრობდა შენი მწუხა-
რება გულს მიკლავს... მეც ვყოფილვარ
უალაგოთ, მარა ასე, საშინლათ არ ვიტან-
ჯებოდლი... ჩემო მეღანო, თუ არ შეწუხდები,
მითხარი, რა გაწუხებს? რა არის ასე საშინ-
ლათ, როგტანჯავს?...

—შენთან დასამალავი, რა უნდა მქონ-
დეს, ჩემო კეთილო. მარა ახლა უკვე გვიან
არაი, შენ დილით ადრე უნდა ადგე და ჩემი
ამბავი-კი არც ისე მალე გათავდებდა, თორე
ახლა ისეთ ხასიათზე ვარ, რომ ჩემი გულის
ნადების ვაზიარებით შევბას ვიგძნობდი.

არა, შენ ჩემი დარდი ნუ გაქვს. მე
სიამოვნებით მოვისმენ, ოღონ მითხარი, გა-
მაგებიე. რა არის, ასე საშინლათ, რომ გაწუ-
ხებს.

—კარგი—უბასუხა მელანომ, მისი სეე-
დინი თვალები ოთახის კედელზე ერთ წერ-
ტილს მიაპყრო, ერთხანს ასე სდუმდა, და,
შემდეგ, ნელი მართოლვარე ხმით დაიწყო:

„ჯერ კიდევ ცხრა წლის არ ყოფილვარ, მამა
რომ გარდამეცვალა. დაერჩით ობლათ ჩემი მო-
ხუცი და სწეული დედა, ჩემი პატარა ძმა და
მე... მამა-ჩემი ვაჭარი იყო და თავს მითი ირ-
ჩენდა. საკუთარი სახლი არ გექნადა, ნაჭირა-
ვებ სახლში ვცხოვრობდით. მამის გარდაცვალე-
ბის შემდეგ, ქონება არაფერი დაკვრჩენია. პი-
რიქით. ბლომით ვალეებიც გვედვა და მოვალე-
ები სულს გვზდიდნ... შემოსავალი-კი არსაიდან
არ იყო. საშინელ გაჭირვებაში ვიყავით... წინან-
დელ სახლიდან უფრო იაფფასიან ოთახში გადა-
ვედითო სადაც ისედაც უფრო უძლოური დედა
სრულიათ დაავათმყოფდა... მე იძულებული გა-
ვხდა სკოლისთვის თავი მიმენებებია და სახლში
მეშრომა. მარა ჩემი შრომით, აბა, რას გავხდე-
ბოდლი! ჯერ სუსტი, გამოუცდილი გოგო ვიყა-
ვი... საშინელი და აუტანელი იყო ჩენი ცხო-
ვრება... ამ გაჭირვებას სხვა უბედურებაც წა-
მოედვა: ჩემი პატარა ძმა, დედა-ჩემის იმედი,

გაცუვდა და ფილტვების ანთებით გარდაიცვალა... შვილის უდროოთ სიკვდილმა ძალა — მიხდილი დედა სასო-წარკვეთილებაში ჩააგდო, და დიდ ხანს აღარ უცოცხლია: მალე ისიც დაკარგე... დაერჩი უპატრონოთ ათი წლის ობოლი გოგო ამ სასტიკ ქვეყანაზე, და სად გადამისროლიდა იმისი უღმობელი ტალღები, არ ვიცოდი... ტყეში გზა აბნეულ ბალანასავით ვაცეცებდი თვალებს აბა, ვინ გამოჩნდება და გზას მიჩვენებს — მეთქი... მე ერთი ღარიბი ბიძა მყავდა და მალე იმან წამიყვანა თავის სახლში... ვატყობდი, რომ მას ჩემი რჩენა ძლიერ ეძნელებოდა. მეუბნებოდა: ბიძია, მოსამსახურეთა უნდა დაგაყენო სადმე კარგ ოჯახშიო. მე ეს შიშის ზარს მკვირიდი; მარა, რა უნდა მეთქვა; ჩემი ნება ხომ არ იყო, რომ უარი გამეცხადებია... კარგათ ვხედავდი, რომ ბიძა — ჩემი საითაც სურდა იქით მიჩვენებდა გზას და ბედს ძალაუწებურათ ვემორჩილებოდი... მართლაც, მალე ამ ქალაქში ერთიმდღიანი ქვრივი ქალის ოჯახში მოსამსახურეთ დამაყენა, სადაც პირველათ თავს ისე ვგძნობდი, როგორც ჯოჯოხეთში. ჩემს გარშემო ისეთს ვერავის ვხედავდი, რომ მივწოდობოდი და, ჯერ ცხოვრებაში გამოუწვრთნელ გოგოს ცხოვრების გზის მაჩვენებლათ ამერჩია. პირიქით, მრისხანე და სასტიკი ჩემი ქალბატონი სრულიათ აუტანელს ხდიდა ჩემს იქ ცხოვრებას: სულ უბრალო, უმნიშვნელო რამეზედაც — კი მირისხდებოდა, მიწყურებოდა და მაშინებდა ისედაც გონება დაფანტულს... ჯაფაც ხომ აუტანელი მქონდა... მარა, როგორც იყო, ვუძლებდი ჩემს ასეთ ყოფას და ცოტ — ცოტაობით ვეჩვეოდი კიდევ...

აი, ესე გაიარა ერთმა წელიწადმა და მე კიდევ იმავე მდგომარეობაში ვიყავი — უმეგობრო და ყველასგან არათ მიჩნეული. გული-კი მეგობარს, ტოლს აძებდა. ობლობას ვერ იტანდა და საშინლათ იტანჯებოდა... არ ვიცი, რამდენ ხანს გავძლებდი ასეთ პირობებში, რომ იგი ცოტათი არ შეეკლილიყო. ქალბატონს მხოლოდ ერთი ვაჟი ყავდა — გიორგი, რომელიც იმ ხანებში მხოლოდ 14 წლის იყო და გომანაზიაში სწავლობდა. და ეს ვაჟი სხვებივით უკაცურათ არ მეპყრობოდა, თავიდანვე თანა-

გძნობით მიცქერდა, და ეს მისი გულ — კეთილობა მისდამი უსაზღვრო პატივისცემით მივსებდა გულს... რამდენათ დრო გადიოდა, იგი თანდა — თან მიახლოვდებოდა და მიმეგობრდებოდა, ჩემ მწარე ობლობას მაეიწყებდა და იმ ოჯახში ცხოვრებას მიადვილებდა... ახლა ისე აღარ ვიტანჯებოდი მარტოობით, როგორც წინათ... და ჩვენი მეგობრობა — კი დღითი დღე იზდებოდა... დედა მისი ამას გძნობდა, მარა პირველათ მაინცა და მაინც ყურათღებას არც აქცევდა, — ერთი შვილი ყავდა და არაფერს უშლიდა... მარა შემდეგ, როცა გოგამ ჩემთან წიგნების ზიდვა დაიწყო და ხშირათ მასწავლიდა კიდევ, ქალბატონი ძლიერ განრისხდა და თავის გულის ჯავრს ჩემზე იყრიდა... სულ უბრალო რამეზე გაკაპასდებოდა და მეჩხუბებოდა. მე კარგათ ვხედავდი, თუ რისთვის ხდებოდა ეს, მარა ამას გოგის, როგორ ვავძნობინებდი. ის იყო იმ ოჯახში ჩემი ერთადერთი ნუგეში და, რომ ჩამომშორებოდა, რაღა მემეღლებოდა. ქალბატონმა რომ ჩემთან ჩხუბით ვერაფერი გააწყო, გოგის დაუწყო საყვედური. არა ერთხელ შევსწრებოვარ მათ ასეთ ლაპარაკს:

— გოგი, არა გცხვენია, შვილო, მოსამსახურის ოთახში რომ შედიხარ, მასთან ბაასობ და წიგნებსაც — კი უკითხავ? აბა, რა მოსამსახურის საქმეა წიგნების კითხვა?! მოსამსახურე ბატონთან დაჯდომასაც ვერ უნდა ბედავდეს და შენ — კი გვერდზე მოიჯენ და რაღაც წიგნებს უკითხავ...

— რა უშავს, დედა! ისიც ხომ ადამიანია, მისთვისაც საჭიროა სწავლა...

ერთი შენც დაგიჩემებია, შვილო, ადამიანი არი და ადამიანი არისო. აბა, მოსამსახურე და ბატონი ერთი და იგივე ყოფილა!. რა საჭიროა მისთვის წიგნი! რაში უნდა გაშაადგეს?! მან უნდა სამსახური იკოდეს კარგათ. მორჩა და გათავდა...

— ეჰ, დედა, შენ მაინც იმას იმეორებ — რათ უნდა სწავლია! თუ ობოლს და საწყალომელ გოგოს არ უნდა სწავლა, რომ ცხოვრებაში გზა გაიკვილოს, მაშინ სხვას ვის — ლა უნდა უნდოდეს!..

— კარგი, შვილო, კარგი! — აჩერებდა

ბრაზ მორეული დედა,— თუ მეტი სირცხვილი და მოხატრება არ გაქვს, როგორც გინდოდეს, ისე მოიქეცი... მე-კი არ გირჩევ და აწი შენი ნებააო, — ეუბნებოდა იგი.

გოგი ძლიერ შეწუხებული იყო დედის ასეთი დარიგებით. მარა თავის მწარე გძნობებს გულში იკლავდა, და თავისას—კი არ იშლიდა. პირიქით, თუმცა მე ვერიდებოდი, როა ქალბატონს მისთვის არ ეწყენებია, იგი უფრო ხშირათ შემოდებოდა ჩემს ოთახში და მემუხაფივებოდა... ღმერთო, რა ბედნიერი ვიყავი, როცა მას ვხედავდი და მის სიახლოვს ვიყავი! იგი როა ჩემს პატარა და სუფთა ოთახში შემოვიდოდა, იქაურობა განათლებოდა და მე უსაზღვრო ნეტარებას ვძნობდი...

... მე 17-18 წლის გასათხოვარი ქალი შევიქენი. გოგიც დაჰბუკდა. მან საშვალო სასწავლებელი დაასრულა და უმაღლეს სასწავლებელში შესასვლელათ ემზადებოდა... აი, ამ დროს გამათავისუფლებელი მოძრაობა დაიწყო და ამან ხელი შეუშალა; იგი მოძრაობამ გაიტაცა და სწავლისთვის აღარ ეცალა...

ერთ საღამოს, როდესაც გოგისგან მოცემულ ძლიერ საინტერესო წიგნს ვკითხულობდი, ჩემი ოთახის კარი გაიღო და შიგ გოგი შემოვიდა. გული გამინათდა, იგი რაღაც არაჩვეულებრივად აღელვებული მეჩვენა. მისი თვალები სიყვარულით და თან რაღაც შიშ მორეულით მიცქერდნენ. მაშინვე ვიგძენ, როა დამშვიდებული არ იყო, მისი მღელვარე სული მის თვალებში გამოკრთოდა... და ავთრთოლდი, გულმა ფანცქალი დაიწყო... იგი მომესალმა, მაგიდასთან ჩამოჯდა და ტკბილათ შემეკითხა:

— რას შვრები, მელანო, წიგნს კითხულობს მე დავეთანხმე.

— როგორ მოგწონს, ჩემო კარგო, ეს წიგნი? ხომ დიდებული წიგნია?

— ოჰ, დიდებულია! ძლიერ მომწონს!

— ასეა, ჩემო მელანო! დადგება დრო და ქალთათვის ორნაირ მონობას ბოლო მოეღება... დედა-კაცი და მამა-კაცი—ორივე ადამიანები არიან და ორივეს ერთი და იგივე უფლება უნდა ქონდეთ... და ასეც იქნება, როდესაც მოისპობა ადამიანის ძალის ყიდვა-

გაყიდვა და, როდესაც ერთის ბედნიერება მეორის უბედურებაზე არ იქნება აგებული... მარა, რას ვამბობ! მე ხომ ამის სალაპარაკოთ არ მოვსულვარ... მე სულ სხვა მინდა ამ საღამოს გაგაგებო და, თუ შენ ენებას დამრთავ, გეტყვი...—ამ სიტყვებმა გული ამითრთოლა; მოუთმენლობამ ამიტანა... თითქოს ვიცოდი კიდევ, თუ რა უნდა ეთქვა, მარა მინც საშინლათ მინდოდა გამეგო მალე, თუ რის თქმა უნდოდა,— და მაშინვე უხმოთ ვანიშნე, რომ ეთქვა, რაც სათქმელი ქონდა. მან მღელვარებით დაიწყო:

— ჩემო მელანო, დიდი ხანია, რაც შენ ჩვენს ოჯახში მსახურობ, ბევრი მწუხარება და ტანჯვა გამოგიარია. მე ეს გულს მიკლავდა. მარა დღემდე არ შემძლო მისი შეცვლა... ჩვენ უკვე კარგათ ვიცნობთ ერთმანეთს, თითქმის ერთათ აღვიზარდეთ და ერთმანეთის ზნე-ჩვეულებაც ვიცით...—

მისი მღელვარე, ტკბილი და ათრთოლებული ხმა უსაზღვრო ნეტარებით, სამოთხისე ბური შევებით მივსებდა გულს... მე უკვე ცალკე სიტყვებს ვეღარ ვარჩევდი; მე მხოლოთ მესმოდა მისი რაღაც უცნაური ძალით აღსავსე, გძნეული ალერსი, რომელიც ნექტრის წყაროთი ათრობდა ჩემს მღელვარე გულს. ხოლო იგი-კი თან-და-თან მიახლოვდებოდა და იმ მომჯადოებელ ტკბილ ხმებში ხშირათ ვარჩევდი სიტყვებს: „ვიყვარვარ, თუ არაო?“. მახსოვს, მე უნებურათ წამოვიძახე; ბატონის და გოგოს სიყვარული, როგორ იქნება—მე-კი და დაახლოვებულ გოგის აცახცახებული გულზე მივეყრდნე... მან მძლავრათ მომხვია მისი ხელე-ბი, გულზე მიმიკრა, მკოცნიდა და ტკბილი ხმით მეუბნებოდა:

— კი, გულო, კი მოხერხდება ბატონის და გოგოს სიყვარული... დღეიდან ჩვენ არც ბატონი ვართ არც მონა; ორ-ვე ადამიანები ვართ, ჩემო ტურფავ და ხელი ხელ ჩაკიდებულს ვივლით იმ მიზნისკენ, საითაც ყოველი ქეშმარიტი ადამიანი უნდა მისწრაფოდეს... ჩვენ ვერაფერი ვერ შეგვაშინებს, ვერც საზოგადოება, ვერც მისი დახავსებული შეხედულებანი. ჩვენ მხოლოთ სიყვარულს და მის ღვთი-

ურ კანონს ვემორჩილებით, ჩემო გულის მზეო!.. ხო გენაცვალე! — პასუხის ნაცვლათ, მე მხოლოდ გულზე ვეკვროდი და თავს ისე ბედნიერათ ვგძნობდი, როგორც არასოდეს...

ბევრი ტანჯვის შემდეგ, დადგა ჩემთვის ბედნიერი დრო. გოგის ვუყვარდი და ეს იყო ჩემი ნეტარება.

მალე ჩვენი სიყვარული ქალბატონმაც გაიგო, — ავარდა, დავარდა, ცისა და ქვეყნის დანგრევა მოინდომა... მარა ვერაფერს გახდა. გოგიმ პირდაპირ განუცხადა, რომ მალე მელანოზე ჯვარს დავიწერ და ჩემი კანონიერი ცოლი იქნებაო... რაკი ვერაფერი გააწყო, თავის ოთახში ჩაიკეტა და წყევლა-კრულვისა და ლანძღვის მეტს არაფერს აკეთებდა... მე მალე დავორსულდი... ბიჭი მეყოლა... ბავში ავთ გამიხდა და მეგობრების რჩევით, მაშინვე მოვანათლიეთ გოგის სახელზე... სახელათ კოლია დავარქვით...

ჩვენ ახლა საუკეთესო ოთახში ვცხოვრობდით, და გოგი მუდამ თავს მევლებოდა, არ მშორდებოდა...

ქალბატონი და სხვა ისეთი საზოგადოება-კი ახლოსაც არ გვეკარებოდა, ათვალწუნებული ვყავდით და გოგის სულელს ეძახდნენ. — რა ვუყოთ, მერე, რომ შვილი ეყოლაო, — ამბობდნენ ისინი, — ბავშვს ვისმეს ავაზღვევდით და ქალს — კი თავისთვის გავისტუმრებდითო... მარა ჩემი გოგი მათ ყურს არ უგდებდა, მისი სიყვარული არ მაკლდებოდა და მეც ბედნიერი ვიყავი...

მარა ეს ბედნიერება მალე მოჩვენებასავით გაქრა, დაო!.. ერთ საღამოს, როდესაც გოგი ჩვეულებრივით მუშათა კრებიდან ბრუნდებოდა, ვხაში ვილაც ჯაშუსის ჩვენებით ყაზახებმა შეიპყრეს, — მაშინ სახალხო მოძრაობა უკვე მარცხდებოდა — მერე, გაქცევს დაპირება შეწამეს და მოკლეს... — დმერათო, რისთვის დავრჩი მის შემდეგ ცოცხალი! რისთვის თავი არ მოვიკალი და მას არ ჩავეყვი საფლავში! — წამოიძახა მელანომ, თვალეზზე მოზღვავებული კრემლები ველარ შეიკავა და ღვარებათ ვადმოაფრქვია... ტიროდა

გულ-დათუთქული... ბოლოს, ძალა მოიკრიფა და კვლავ განაგძნო: კოლიის საცოდვაობას რომ არ შევეჩერებო, თავს მოვიკლავდი... ან-კი რალათ ღირდა ჩემი სიცოცხლე! ვილა მყავდა ამ ქვეყნათ, რომ ჩემს ცხოვრებას ფასი ქონებოდა! მარა ბავში მყავდა, მას აღზღა უნდოდა და, ამან გადამატანია ის საშინელი უბედურება... რა ვიცოდი მე ბედ-კრულმა, თუ შემდეგ ბავშსაც წამართმევდნენ, ამის აღზღას მე არავინ დამანებებდა!..

გავილა ორი თვე, გოგის ვარდაცვალების შემდეგ, და ქალბატონმა გამომიციხადა, რომ მისი სახლი მიმეტოვებია... ვინ მოთვლის, თუ როგორ იგინებოდა, ილანძღებოდა და იკრულებოდა იგი იმ დროს, რომ დესაც მე სახლიდან მიტხოვდა... კარგათ მივხვდი, თუ, რა საშინელება ტრიალებდა ჩემ თავზე; მე გოგის კანონიერი ცოლი არ ვიყავი და მას სრული უფლება ქონდა — სახლიდან გამოვეგდე; — რომ არ დამზოგავდა, ისიც კარგათ ვიცოდი. მარა, თუ ბალანას — ჩემს ერთად ერთ იმედს და ნუგეშს ამ ქვეყანაზე გულიდან მომგლეჯდნენ — ეს-კი აღარ მეგონა. მარა დღეს ფულით რა არ მოხერხდება? ჩემი მტერი მდიდარი იყო და მე-კი ერთი გროშიც არ გამაჩნდა და, რა საკვირველია, რომ იმან მაჯობა.. ერთ დღეს ბავშიც გულიდან მომგლიჯეს, იმ სახლიდანაც გამომავდეს და სრულიათ უბატონო და უსახსრო ქუჩაში გამისტუმრეს...

მანსოვს, იმ დღეს უგძნობლათ დავდიოდი ქუჩიდან ქუჩაში... ბოლოს, ერთგან გული წამსვლოდა და უგონოთ დავცემულიყავი. იქ ერთ გოგის ახლო ნაცნობ მუშას ვენახე და მას ქალაქის უფასო საავათმყოფოში მოვეთავსებო... ვინ მოთვლის, დაო, იმ ჯოჯოხეთურ ტანჯვის, რაც მე იქ გამოვიარე... შვილის ნახვა მენატრებოდა, მარა, ვინ მიჩვენებდა!.. თვე ნახევარი საავათმყოფოში ვიწვიქი... შემდეგ, იმ მუშის წყალობით, რომელიც რამდენათაც შეეძლო ყურათღებას არ მაკლბდა; ერთ ქარხნის გამგესთან მოსამსახურეთ დავდექი და იქ ვცხოვრობდი... ახლა

შენც ხომ იცი, რომ ის აგერ ხუთი თვეა, რაც სხვა ქალაქში გადავიდა და მე უალაგოთ დავრჩი...

იმ ხნის განმავლობაში, რაც იმ ოჯახს მომაშორეს, ჩემს კოლიას, ვახერხებდი და ხშირათ ვნახულობდი. ხან გამდელს მოვიყიდე, ხან ბაღში ვნახავდი და ასე მიდიოდა დრო... დღესაც, დაო, ქალაქის ბაღში იგი ვნახე და, შემდეგ, მისმა დაშორებამ ისე გამხადა, რომ აქამდე სახლში ვერ მოვედი...

მას ენაცვალოს მისი ბელჯურული დედა! — წამოიძახა მელანომ და თავის თავ-გადასავალის მბობაც დაასრულა.

სდუმდა მელანო...

სდუმდა ანეტაც...

ოთახში სამარისებური სიჩუმე გამეფებულყო...

ობოლი მუშა.

(შემდეგი იქნება.)

ორი სიზმარი. *)

(დასასრული).

II

სოფლათ.

სოფლის მიღმათ რო მოჩანა ქოხი ჩაღით დახურული, იქ თებრონე ქვრივი ცხოვრობს მარტო-მარტო, ვით ეული. სახე ტანჯვას დაულარავს, მუდამ ტირის, ოხრავს, გმინავს, სევდითაა დატვირთული. ცეცხლის პირათ ზის და ტირის: შეილო, შეილო, სოსიკოვო, ეგებ, შეილო, ავათ მყავდე, მე-კი, როგორ გავიგოვო! ეგებ, სადმე ბძოლის ველზე ქრილობიდან სისხლს გდიოდეს,

არვინ გაყავდეს შემხოველი და არავინ გაატრონობდეს? ღმერთო, ღმერთო, გადმომხედე, ნუ შეამოხვევ მას განსაცდელს, დამიბრუნე სახლში უკლოთ და ავინთებ ცხრა წყვილ სანთელს“. ასე ტიროდა თებრონე, და თვალთვან ცრემლი დიოდა, ტიროდა მწარე სიცოცხლეს, ტანჯვიში რომ ელეოდა. ცეცხლზე-კი უკანასკნელი ნიგუზალი-ღა იწვოდა და გარეთ შემოდგომისა ქარი დაქროდა, ღმუოდა. ფიქრების შავი ზეწარი თავზე ეფარა, ხურავდა, არსათ ხსნა, შველა, იმედი გულს უსერავდა, უკლავდა.

შვა ღამე იყო. თებრონეს ფიქრებში ჩაძინებოდა, საწყალი ძილში სოსიკოს ხედავდა, ესიზმრებოდა. ეალერსება სოსიკოს, ომიდან დაბრუნებულსა, ჩინ— ორდენებით გატყლაბულს, ბძოლაში გამარჯვებულსა... მტერ— ორგულთ გული უკვდებათ, ჯავრით ევსებათ თვალევი; უკვირთ ბძოლაში ასეთი მისი გმირობა საქები. ნათესავეებიც მოდიან, ასხამენ სოსოს ქებასა და ულოცავენ თებრონეს მის უკან დაბრუნებასა. აჰა, სოსიკო ხელს კიდებს ოჯახის მოკეთებასა. ოთხ-თვალი, ოღა“ იყიდა და ეზოს შქერით ღობავსა. საცაა ერთ ორ კვირაში უნდა მოაწყოს ქორწილი, თამროზე ჯვარსა დაიწერს, აუსრულდება სურვილი. ომში წასვლამდე სოსიკომ,

*) იხ. „ცხოვრება“, № 1.

თამრო დანიშნა ცოლათა,
 თებრონემ თვითონ წაუღო
 სარძლოს ბეჭედი ნიშნათა...
 ბედნიერია თებრონე,
 ცას სიხარულით ხელს ავლებს,
 აწი ხო ვერვინ ჩაფახავს
 და მტერიც ვერ რას დააკლებს!“
 ჩაფერფლილ ცეცხლში-კი ერთი
 ნაკვერჩხალი—და ბეუტავდა
 და ქოხში სიჩუმ-სიცივე
 შავ ფრთებსა შლიდა, ფრინავდა.
 გარეთ-კი ქარი ქვეყანას
 საზარელ ამბებს აცნობდა,
 სოსოს ამბავიც კერიდან
 დარღვეულ-ქოხში ჩაქონდა...
 გათენდა დილა. ცაზედა
 შავი ღრუბლები ცურავდა,
 ბუნება თავის წიაღში
 გლოვის სამოსელს კერავდა,
 სდუმდა სოფელი. აქა-იქ
 ყრუთ გაისმოდა ტირილი:
 ტიროდენ ომში მოკალულთა,
 შვილს-დედა, მამასკი-შვილი.

თებრონეს ეზოს მიაღვა
 იასაული სოფლისა,
 ამბავი მიაქვს იმასთან
 სოსიკოს ომში მოკვლისა.
 ეზოში ჩასვლას ვერ ბედავს:
 იცის, ეს ცნობა თებრონეს,
 ან ჭკუას-კი დაუკარგავს,
 ან კი გაუქრობს სიცოცხლეს...

ტკბილი სიზმრის თეთრი ნისლი
 დაიკრიცა, განიავდა
 და თებრონეს გაელვია:
 მარტო იყო. აღარ ყავდა
 შვილი სიმწრით გამოზდილი
 და ატირდა, აქეთინდა:
 „შვილო, ცუდი, რო რამ შეგვხდეს,

ყოფნა ქვეყნათ რაღათ მინდა?

სოფლიდან დარბის სოფლათა
 ქალი კკუაზე შეშლილი,
 ძონძებში გამოხვეული,
 ფეხშიშველი და თმაშლილი.
 გამვლელ—გამომვლელთა აჩერებს
 და ყველას ეკითხებაო:
 „სასიკო ნახეთ, ეგება,
 მალე ხო დაბრუნდებოა?
 ჯვარსაწერათ თამრო უცდის,
 ხვალ ქორწილი გვექნებაო“

სან. გურული.

შურის ძიების სხვერპლნი.*)

(შემდეგი)

VI

გიტოია წარულოძე, ვისთანაც ფულის
 სასესხებლათ წასვლა ელისაბედმა გადაწყვიტა,
 მდიდარ კაცათ ითვლებოდა მთელს სოფელში.

თუ გინმე ქალიშვილს გაათხოვებდა და
 სამზითო ფული მიაკლდემოდა, ან „ტირილზე“
 „მედუქნების“ ვალი დაედებოდა, ან კიდევ
 სხვა რაიმე საჭიროებისთვის ფულის შოვნა
 აუცილებელი გახდებოდა, გიტოია იყო „მსსნე-
 ლი ანგელოზი“, მასთან გარბოდენ, მისგან
 იწყობდენ ხელს.

გიტოიაც, რასაკვირველია, სარგებლობდა
 შემთხვევით და თავის სიმდიდრეს ერთი ორათ
 აღიდებდა.

სულ სამი—ოთხიოდე წელიწადი იქნე-

*) „სხვერპლა“, № 2—3 1915 წ.

ბოდა, რაც გიტოია ფარულადე ფულის პატრონი შეიქნა.

მანამდი ძლიერ ხელ—მოკლე გლეხათ ითვლებოდა მთელ სოფელში. ცალი ფეხით კოკლი, მარტო ხელა გიტოია წლიურ სარჩოს ძლიერს—ლა იწევდა, რომ წვრილი ცოლ შვილი სანახევროთ მაინც გამოეყვება. ბუნებით მუყათობასთან, ქუხასთან და გამჭირახ გონებასთან ერთად, რომლებითაც უხვათ იყო იგი დაჯილდოებული, თავ—მოყვარობაც საკმაოთ ქონდა მას გავითარებული, თვის გასაქირს თვითვე იტანდა სხვაზე შეუჩივლებლათ, არვის არ აწუხებდა თხოვნი, მარა არც თვით იწუხებდა თავს სხვისთვის... „მოთმინებითა შენითა მოიპოვე სული შენია“, —იმეორებდა იგი საღმრთო წერილის სიტყვებს და გასაოცარი მოთმინებით იტანდა ყოველივე გასაქირს.

ამასობაში უფროსი ვაჟი, ლადიკოც, წამოიზარდა და ოჯახში მამის მარჯვენა ხელი შეიქნა. მან მალე გაითვალისწინა მშობლების გაქირვება და დაუზარებლათ გაება შრომის უღელში.

ლადიკოს გამრჯელობით აღტაცებულ გიტოიას სიხარულს საზღვარი არ ქონდა. მას ახლა აღარ ჰქირდებოდა კავზე ხელის მოკიდება, შეშის ჭრა და ზიდვა და სხვა მრავალი სამძინო საქმეების კეთება. ყველა ამას ლადიკო კისრულობდა და შესამჩნევათაც უმკლავდებოდა მას.

სულ რამდენიმე წლის განმავლობაში ოჯახი ფეხზე დადგა. გიტოია წელში გაიმართა და გულ—დამშვიდებული, რომ, „აწი ღვთის წყალობით აღარაფერი მიჭირსო“, ტკბილათ ატარებდა ცხოვრებას.

ჩარჩობა მოულოდნელი შემთხვევით დაიწყო გიტოიამ. თუმცა—ლა გამდიდრების სურვილი მის არსებაში ბუნებითვე იყო ჩაქსოვილი, მარა ეს სურვილი სურვილათვე რჩებოდა და არც გახორციელდებოდა იგი როდისმე, რომ ქვემოთ მოთხრობილ შემთხვევას ადგილი არ ქონებოდა სოფ. ქედისძირაში.

საქმე ასე იყო:

სოფლის შვა გულ ადგილში თეთრად შეღესილი მთავარ-ანგელოზის ეკლესია იდგა, რომელზედაც ორასიოდე მოსახლე იყო მიწერილი. ალაყაფის კარებთან, გალავანის გარეთ, დასავლეთით ერთი უზარ-მაზარი ცაცხვის ხე იდგა, რომლის ჩრდილ ქვეშ კვირა უქმე ღღეს, წირვის გამოსვლისას, სოფლის გლეხ—კაცობა თავს იყრიდა და თავის თავის ჰირვარამზე ერთ მანეთ—შორის აზრთა გაცვლა—გამოცვლა ქონდა. იქვე დიდი სასოფლო შარა—ვზა ჩადიოდა. ვზის გადაღმა—კი თემობისთვის საეკლესიო ტრიალი მიდორა იყო გაქიპული.

ყველაფერი ეს ჩინებულათ იყო მოწყობილი, მხოლოდ ის აწუხებდა სოფელელებს, რომ ეკლესიას ისთე პატარა სასაფლაო ქონდა, სადაც ერთი ადლი თავისუფალი სამარხი არ მოიპოვებოდა. სასაფლაოს ასეთი სივიწროვე ისეთი შემაწუხებელი და ყოვლათ აუტანელი გახდა, რომ მთავარანგელოზის ეკლესიის შრეველმა გადაწყვიტა, რათაც უნდა დაჯდომოდა, სასაფლაოს გაფართოება.

აქვე, ეკლესიის გალავანზე ერთი ქცევა თავისუფალი ადგილი იყო მოდებული, რომელიც სასაფლაოსთვის ძალიანი მოხერხებული და, რომ იტყვიან: „ზედ გამოჭრილი“ იყო. ეს ადგილი გიტოია ფარულადის საკუთრებას შეადგენდა და საზოგადოებამაც მას მიმართა თხოვნი, რომ ეკლესიისთვის დაეთმო ეს მიწა ხელ-საყრელ პირობებში, რათგანც ეს საზოგადო საქმე იყო.

გიტოიასაც ეს უნდოდა. მას მოხერხებული დრო დაუდგა და „გონება გაღესა“, რომ მეტი სარკებლობა გამოეწურა მისგან.

—რა ვქნა, ჩემო კეთილებო! ამ საქმეში მეც თქვენსავით დაინტერესებული ვარ. მარა ვერ შეველევი იმ მიწას. ამდენა შვილების პატრონი ვარ, გვიზღებინ, ერთათ ხო ვერ იცხოვრებენ ყოველთვის. ძმები-კი არა, ცოლი და ქმარი ვერ თვისთებთან ხშირათ და სადღა უნდა დასახლდენ, აგი მიწა რომ გოუყიდო—ასეთ პასუხს აძლევდა გიტოია საზოგადოებას პირველ-ხანებში. იგი დარწმუნებული იყო,

რო საზოგადოება მის მიწას ვერ აცდებოდა და ამიტომ ყოველივე ხერხს ხმარობდა, რომ ადგილისთვის, რაც შეიძლებოდა, ფასი აეწია.

მალე შეიანხმებაც მოხდა.

გიტოიამ მიყიდა საზოგადოებას თვისი ადგილი, აღებული ფული გახუნებულ ქისაში მაგრათ გამოკრა და ძველს, ცოლის ნამზითვე ზანდუკში ჩაყეტა.

ამ დღიდან გიტოია ფულის პატრონი შეიქნა. მიყო ნელ-ნელა ხელი მეფახშობას და ყველა ეს ფული სოფელში დაბანდა. ვის რამდენი ასესხა და ვის — რამდენი. განა გავივრებულნი ცოტა არიან სოფლათ?!.

უბედური კაცი ჩაუვარდებოდა გიტოიას კლანჭებში. თუ-კი რამე საცხოვრებელი გააჩნდა, ყველაფერს აუწერდა, ყველაფერი უნდა დაეგირავებია. წინააღმდეგ შემთხვევაში, კაპეიკითაც არ შეგეძლო მისგან ხელის გაწყობა.

სარგებელს ნუ იტყვიოთ! რამდენიც მოესურვებოდა, იმდენს მიგაწერდა, ხშირათ 25%—30%—ამდი აღიოდა. ამრიგათ, სარგებელი სარგებელს ემატებოდა, თავნი იზღებოდა და მისი გადახდა ხელ-მოკლე გლეხკაცისთვის ყოველათ შეუძლებელი ხდებოდა. აქ იწყებოდა საჩივარი, „სულდბნი პრისტავის“ მოწვევა. ქონების ასაწერათ და საბრალო გლეხი სრულიათ ნადგურდებოდა.

ელისაბედიც არ აცდა გიტოიას კლანჭებს. მას ორი გზა ქონდა, ან უნდა გაჩუმებულიყო, უყურათღებოთ დაეტოვებია ივლიტას ცილის წამება, ან ფული უნდა ეშოვა და პასუხის გებაში მიეცა იგი. ამ უკანასკნელ გადაწყვეტილებაზე მტკიცეთ იდგა ელისაბედი და არაფერს დაშურავდა, „ოლონ-კი თვისი შელახული თავ-მოყვარობა აღდგინა, უმართებულოთა მოცხებული ჩირქი მოეწმინდა...“

გიტოიამ გულდასმით მოისმინა ელისაბედის თხოვნა. იგი, ხან ერთ მოკლე ფეხზე შედგებოდა, ხან მეორეზე, ცალი ხელით თოხნის ტარზე იყო დაყრდნობილი, (იგი ამ დროს ეზოში სიმიდს ამაროდებდა), პირში ყალიონი ეჭირა და სიამოვნებით აბოლებდა.

—მესმის, ელისაბედ, თქვენი გასაქირი!.. დაიწყო გიტოიამ, როდესაც ელისაბედმა დაათვა ლაპარაკი.—შენ, თუ არა, სხვას ვის-ღა უნდა გოუწყო ხელი. კეთილი მეზობელი ხარ, გაბრიელ დიდი წამეგობარია ჩემთან... მარა, ღმერთი, რჯული თავდები, რომ ერთი კაპეიკი არ გამაჩნია ახლა მე. სულ გამოსპიტული ვარ. მთელი ფული გასესხებული მაქ. ვინც წეილო, მოტანას აღარ ფიქრობს, სანამ სასულდოთ და სადავიდარაბოთ არ ვაბდება საქმე...

—არ შეგაწუხებდი, ჩემო გიტო, შენი ქირიმე, რომ ისე არ მქონდეს საქმე. მთელ ქვეყანაში თავი მომეჭრა, შემარცხვინა ამ ხნის ქალი და მართალი გითხრა, აღარ შემიძლია ამის მოთმენა!... ამისთანა სიცოცხლეს სიკვდილი ჯობია!...—ამ სიტყვებზე ელისაბედს თვალები ცრემლებით აეცსო და პირისახე ნაკლებით შეეკრა.

—კი არ უნდა აყვე ელისაბედ უსინდისო დედაკაცის მიეთ-მოეთობას. შენ ქკუიანი ქალი ხარ და მეტი სიღარბაისლე გმართებს. ქვეყანა გიცნობს, ყველა დარწმუნებულია შენს სიმართლეში, რაღა გინდა. აგი ეყოფა ივლიტას სასჯელათ, მიანებე თავა, ჩემო ელისაბედ, ეშმაკს გადააფურთხე.., ტყვილა უბრალოთ ნუ იხარჯები...—გულწრფელათ ურჩია გიტოიამ ელისაბედს, რომელსაც სიბრაღულის მიყრუებული სიმები შეუთამაშა ელისაბედის ლაპარაკმა და მწარე ცრემლებმა.

—არა, არა... რეიზა მიჩივი, ამას გიტო!.. მე მაშინ მკვდარი ვიქნები, აგი რომ ივლიტას შერჩება. თლად რო გავყიდო ჩემი საცხოვრებელი, მაინც არ მოვეშობი ამ საქმეს: ღუბერნატორთან ვუჩივლეფ... ნამესტნიკსაც არ დავტიეფ...

—არ ვიცი... როგორც გენებოს... მე-კი მგონია, რომ არ ღირს ამაზე საჩივარის დაწყება,—ჩაილაპარაკა გიტოიამ და თოხნა დაიწყო.

—ჩემო გიტო, შენი ქირიმე, მიშველე რამე. ჩემი შალიკო, ჩემი იმედი არ მომიკედეს, აგი ფული შენ არ დეგეკარგოს ჩემთან.

შენ კარგათ იცი, რო სამი თუმნიზა პირს არ გვეიტებ.

გიტოია ისევ შედგა; თოხის ტარზე და-
ეყრდნო და ჩაფიქრდა. მას ეძნელებოდა ასე-
თი მსუყე ლუკმის დაკარგვა.

— ვნახოთ!.. ვეცდები... შეიძლება, გი-
შოვო. ძალიან მეცოდები და, თუ გავხდი
რამეს, არ დავშურავ შენთვის... უთხრა მან
ელისაბედს, ცოტა ხნის სიჩუმის შემდეგ.

— ოხ! ღმერთმა გაგაბედნიეროს გიტო,
რაფერ შენ მე გამაბედნიერე!.. კეთილი კა-
ცი ხარ და სიკეთე და კარგათ ყოფნა ნუ
მოგაკლოს შენმა მფარველმა ანგელოზმა!...
სასოებით დალოცა გიტოია ელისაბედმა და
თვალეებზე სიხარულის ცრემლები მოადგა;
ისეთი უსაზღვრო იყო მისი ბედნიერება.

ელისაბედის გონებაში ნათლათ გაიარა
მთელმა პროცესმა, წარმოუდგა დამარცხებუ-
ლი ივლიტას დაღვრემილი სახე, რომელიც
თავჩაღუნული, შერცხვენილი მიეშურება ში-
ნისკენ, საზოგადოებაში მითქმა-მოთქმა, რო-
მელიც აშკარათ აღიღებდა ელისაბედის
სიზამაცეს და ქალობას, ოჯახური ბედნიერე-
ბა შემდეგში და სხვადა სხვა. ერთი სიტყვით,
ელისაბედს საქმე მოგებულათ მიიჩნდა, ვინაი-
დან ამას მხოლოდ ფულის უქონლობა აბრკო-
ლებდა, რაც ასე ადვილათ იქნა გადალახული.

გ. ებრალიძე.

(შემდეგი იქნება).

მ ე რ ც ხ ა ლ ს.

დამჭიკჭიკე, მერცხალო,
ეგ ლამაზი ჰანგები,
გამიქარტო, იქნებ, მით
გულის მწველი დარდები.

შემოდგომის კარებთან
გაზაფხულის ვარდები
მიხსენე და იცოდე
უფრო შემოიყვარდები!..

...გული მტკივა და სულიც,
სულიც მწარეთ ღონდება,

როცა აწმყოს შემყურეს
წარსული მაგონდება...
მარა მაინც, მერცხალო,
იმ წარსულის ვარდები
მიხსენე და იცოდე
ბედნიერი გავხდები! —

თუმცა აღარასა ვთხოვ
მუხთალ სოფლის ბრუნვასა,
თვით დროც ველარ განკურნავს
ჩემს კაეშან — ურვასა,
მარა წუთით მომხიბლავს
ეგ ციური ჰანგები
და, ვით წუთი შევებისა,
შენც კვლავ შემოიყვარდები!..
მაშ, თქვი: „ ძველი დიდება
უკვალოთ არ გაქრება!“
იმ წარსულში მომავლის
იმედი ინასკვება!

„და ის ტურფა ვარდები
იქცევიან ნაყოფათ;
კვლავ გახდება სამშობლო
სამოთხის განაყოფათ!..“
დამჭიკჭიკე, მერცხალო,
ეგ ციური ჰანგები
და გაყვება ნიავქარს
აწმყო გულის დარდები,
შემოდგომის კარებთან,
გაზაფხულის ვარდები
მისენე და იცოდე
უფრო შემოიყვარდები!....

ილ. გოგია.

ქართული მწერლობა 1915 წ.

მინდა ჩემ მკითხველს ამ ჟამათ გულ-დამ-
შვიდებით ვესაუბრო გასული წლის ქართულ
მწერლობაზე საკუთრად მხატვრულ მწერლობაზე.
ეს საგანი უფრო ახლოა ჩემ გულთან

და უფრო საყვარელიც. აგერ, ოც და ათწელიწადზე მეტია (პირველი ჩემი შენიშვნები გრიგოლ უმწიფარიძის ლექსებზე ფელეტონათ იყო დასტამბული მაშინდელ ქუთათურ კვირულ გაზეთ „შრომაში“), რაც ქართულ მხატვრულ-მწერლობის ზრდას და აყვავებას გულით შეეხარი, მისი დასუსტება, დაავადება მეც მიგლოვია და დამიტირებდა, მისი ზეიმი და გაზაფხული ჩემს გულს გახარებია, ფიქრი ძალზე აუშუშავებია და მიწერია მის შესახებ...

საკითხი, როგორც თქვენი ნათელი გმობა-გონებაც ხედავს, მკიდროთ შეკავშირებულია მთელ ჩემს არსებასთან და ამ ახალი ჟურნალის „ცხოვრების“ ფურცლებზე მინდა გესაუბროთ და მოვეყვ წერას... მარა, რაწამს კალამი ხელში ავიღე, იმ წამსვე რალაც საშინელმა მძიმე და მწარე გმობამ დაუბრინა მთელ ჩემს არსებას, თავიდან ფეხებამდი მან ისარივით გაიარა და ცოცხალი გულ-მკერდი ძლიერათ შემინგრია, ერთი მთავარი ძარღვიც ჩამწყვიტა... ეს მძიმე და გამწარებული გმობა გამოიწვია დღეინდელ დღის საშინელმა ბოროტებამ, რომელმაც, ლამის არი, წელში გაწყვიტოს მთელი ქვეყნიერების კაცობრიობა... ეს უშველებელი, დაუსრულებელი სოფლიო ცეცხლი, რომელიც მთელი წლის განმავლობაში მოსასპობლათ მოედვა ევროპას, აზიას და აფრიკას, მოსვენებას არ მაძლევს, დღე და დამ მთელს ჩემს ფიქრს, გმობა-გონებას იგი იპყრობს და ვერ მომიხერხებია ჩვეულებრივ დინჯათ და დალაგებით ვისაუბრო ჩემ საყვარელ მწერლობაზე, მშობლიურ მხატვრულ მწერლობაზე.

ამ ჟამათ ჩვენი ცხოვრება საერთაშორისო დიადი, გიგონტური ომის ქარ-ცეცხლშია სულ ერთიანა გახვეული. ყოველი დიდათ დიდი, რთული და მრავალ გვარი, მრავალ ფეროვანი საზოგადო და პირადი კვრძო ხასია-

თის ამბებს ამ საათში ჩვენა ვსჭვრეტთ ადამიანთა სისხლით გაწითლებულს სოფლიოს ცხრილში.. ეს საშინელი გარემოება დღეინდელი ცხადი სინამდვილისა მძიმე ლოდევით გვაწვება გულზე და ჩვენს საკუთირს გმობა-გონებას არ აძლევს თავისუფალს გასაქანს მართალი და დამოუკიდებელი მსჯელობისთვის...

ამიტომაც არი, რო ჩვენი აზრი და მსჯელობა ახლა არ არი მკეთრი, ძლიერი, მკვიდრი და ღრმა.

ჩვენ ყველანი შევუპყრივართ ფანტასტიურს, პირ და პირ ზღაპრულ ამბებს, რომელიც დღეს ჩვენს მდევევით ძლიერს მტრებს საშინლათ დაამარცხებს, მის უძლეველს მილიტარიზმს საუკუნოთ ბოლოს მოუღებს და ჩვენისთანა დაჩაგრულ პატარა ერებს გაათავისუფლებს. ხვალ-კი, ეგვევი მილიტარიზმი ამაყურათ, ამპარტანულათ თავიდან ფეხებამდი შეიარაღებული მეცნიერების ძლიერებით, სრულიათ გვამარცხებს ჩვენისთანა უვიცებს, უბედურებს და მონებს და ვკვდებით საშინელის შიშით, შიმშილით და სიკვდილითაც...

ამაში-კი დარწმუნებული უნდა ვიყვეთ, რომ ეს უდიადესი ტრადედიაც გადაივლის, გაიარს. მუდმივი ქვეყნიერებაზე არაფერია და ეს დიდათ დიდი უბედური შემთხვევაც დროებითია. ვირწმუნოთ, რომ ამდენ დაღუპულ ადამიანთა სისხლს გამწმენდელი, გამასპეტაკებელი ძალაც აქვს. ეს ქარ-ცეცხლი, რომელიც მოედვა მთელ ქვეყნიერებას, ზღვასა და ხმელეთს, მიუცილებლათ, განსწმენდს ამ წუთისოფლის არე-მარეს და ტანჯულს კაცობრიობას დაუდგება სრულიათ ახალი ცხოვრება, ხელახლა შეფასებული პოლიტიკური საკითხები და იდეალები...

აი, სწორეთ ეს არი, რო გულში ღრმათ გვინერგავს რწმენას, გვიმაგრებს ნერვებსაც და მასთან ერთად გვიცხოველებს და გვიფართოებს სუფიერი ვათარუბის მოთხოვნა-ღებასაც.

ამ საშინელი ომიანობის ატმოსფეროში თაგვივით მომწყვდეული ადამიანის სულს ძალიან წყურია დაეწაფოს კოლიდან მდიდრათ გამოხეტეილს ყინულივით ცივს, ანკარა წყაროს წყალსავით ცხოველმყოფელ მცენიერებისა და მხატვრულ ლიტერატურის შემოქმედებას, რომ იქ გამძღარმა სული მოიბრუნოს, ენერგია მოიპოვოს, შეიძინოს შრომის ნიჭი, რომ პრაქტიკულს ყოველ დღიურ ცხოვრებას ანგარიში გაუწიოს და იცხოვროს...

ამ ძლიერი წყურვილების მაჩვენებელია, მიუცილებლათ, ის გარემოება, რომ შარშან ქართველ მკითხველ საზოგადოებას აღძრა ძლიერი სურვილი და ინტერესიც ჟურნალ-გაზეთების კითხვისა. თფილისში გამოდიოდა: „სახალხო ფურცელი“, „თანამედროვე აზრი“, „თემი“, „შადრევანი“, „საქართველო“, „ზვირთი“, „ეშმაკის მათრახი“, „თეატრი და ცხოვრება“, „განათლება“, „ჯეჯილი“, „ნაკადული“ და „მოსავალი“. გორში — „ახალი ქართლი“ და სიღნაგში — „ხმა კახეთისა“. ქუთაისში გამოდიოდა: „სამშობლო“, „ახალი კვალი“, „მეგობარი“, ჟურ. „განთიადი“ (შემდეგ „ცხოვრება“), „სასოფლო გაზეთი“, „კოოპერაცია“ და „შინაური საქმეები“.

ამდენ ჟურნალ-გაზეთებს შორის, „სახალხო ფურცელს“ და „თანამედროვე აზრს“, თურმე, 6.000-ზე მეტი წლიური ხელის მომწერიც ყოლია. ამ გარემოებამ გააცხოველა ჟურნალისტიკის შინაარსი და დღენდელი ქართული მწერლობა ფრიად საინტერესო საპოლიტიკო და საპუბლიცისტო წერილებით არი სავსე. დღიური გაზეთები, რა თქმა უნდა, ომიანობის ამბებით, ყოველ-დღიური ცხოვრების აღწერით უფრო არიან დაინტერესებულნი და იქ მხატვრულს და კრიტიკულს ნაწერებს ძალიან იშვიათადაც შევხვდებით...

*
**

ჩვენი ბელეტრისტის, ბ-ნი ა. კაკაბაძის გაზეთს — „სამშობლოს“ ბელეტრისტული ნაწერებით თავი არ უსახელებია, თუ არ ჩავთვლით საკუთრად მის ნაწარმოებს: „ერთი დღის განცდას“, რომელიც რამდენიმე ფელეტონათ დაისტამბა ამავე გაზეთში. იქ მხატვრულათ იყო აღწერილი ავტორის საკუთარი პირათ განცდანი მდინარე ძირულის ხეობაში. ამავე გაზეთშივე, ნახატებიან დამატებაში, დაისტამბა პატარა სურათი სოფლის ცხოვრებიდან, „სალდათის დედა“, რომელიც ეკუთვნოდა ჩვენს ნიჭიერს მწერალს ბატ. სამსონ ეიფიანს და „სიკვას დასაფლავება“ — გორგისა.

არც „სახალხო ფურცელში“, არც „თანამედროვე აზრში“ მე არ შევხვედრივარ შარშან ბელეტრისტულ ნაწერს ჩვენი მწერლები-სას. „საქართველო“ ჩვენ რედაქციას არ მოდიოდა და ამიტომ, არც ვიცი, იბეჭდებოდა იქ რამე ბელეტრისტული, თუ არა. ერთხელ გამოსულ გაზ. „ძმურ სიტყვაში“ მოთავსებული იყო ჩვენი მაღალ ნიჭიერი ბელეტრისტის, შ. არაგვისპინჯულის ნაწერი, რომელის წაკითხვამ სიამის გძნობა მომგვარა. „თეატრი და ცხოვრებაში“ აღსანიშნავია პატივცემული გ. ეიფიანის ისტორიული ქრონიკა, 4 სურათად: „ბედი ქართლისა“ და „მოფურჩხულია“ — დ. მესხისა.

ჟურნალი „განთიადი“ (დღეს „ცხოვრება“) ოცდათორმეტი გვერდი ისტამბება თითოული ნუმერი და ნახევარი ჟურნალისა თითქმის დათმობილი აქვს მარტო მხატვრულ განყოფილებას, სადაც ისტამბება ლირიკული და ბელეტრისტული ნაწერები ჩვენი მწერლებისა.

ამ ჟურნალის პირველ ნუმერშივე ახალგაზდა მწერალმა, ბ-ნმა ივ. ა — ანმა მოათავსა თვისი ნაწარმოები: „სწქისვალე მომავალსკენ“, სადაც გამოხატულია ჩვენი მაღალი წოდების წრიდან სერიოზო, რომელიც ერთად ერთი საყვარელი ვაჟია დღიათ შეძლებული კნენისი. ავტორი, თუ არა ვცდები, პირველათ

უნდა გამოდიოდეს სალიტერატურო ასპარეზზე და ახლავე ეტყობა მას დიდათ სერიოზული ცოცხალი ტალანტი წერისა, რათგან მხატვრული შემოქმედებით გვიხატავს სრულიათ ახალს ტიპს ჩვენი ახალი ცხოვრების დუდილიდან ამოღებულს. ხასიათი ჭეკოტაძე სეროიუასი, ამის დედისა და აგრეთვე სხვებისა ცფსიქოლოგიურათ სწორათ და ზომიერებითაც აქვს დახატული და ახალგაზდა ავტორი იძლევა, მიუცილებლათ, ნამდვილ და ქეშმარიტ რეალისტურ ნაწარმოებს... სამწუხაროა, რომ ავტორმა ვერ დაასრულა თვისი შევნიერი მოთხრობა.

აღსანიშნავია ამავე ავტორის მოგონებანი აკაკიზე, რომელიც იძლევა ბევრ საინტერესო ცნობებს უკვდავ მგოსანზე.

მეორე ცოცხალი მწერალია ბ-ნი ჯ. თურქაძე-სპარჯი, რომელმაც დასწერა „ამირანის ცეცხლი“ (უძღვნა აკაკის ხსოვნას), რომელიც თავიდან ბოლომდე წარმოადგენს ერთ მთლიან პოეზიას და სიცოცხლის აღმძვრელის არამოტივით არი სავსე. სხვა პატარ-პატარა, ნოველისებური ნაწერებიც ამავე ავტორისა იქცევი ჩვენს ყურათღებას...

ამ ორს ავტორს გვერდში ძმურათ უდგას მესამე ნიჭიერი მწერალი, გარდაე წუთისაღედეგი, რომელიც ამ ახალ ქართულ ჟურნალში მოათავსა: „საიდგომო კაბა“. აქ, ამ ნაწერში, ავტორს ნიჭიერათ დაუხატავს ოდიშის ცხოვრებიდან ისეთი ეპიზოდები, რომელიც კრიტიკოსისგან თხოულობს განსაკუთრებულს ყურათღებას. მარა ჩვენ ამ ჟამათ არა გვცალია ამ ნაწარმოებს დაუწვრილმანდეთ. ჩვენ გვინდოდა ორიოდე სიტყვით აღგვენიშნა, ჩამოგვეთავალა და მოგვეგონებია ჩვენი პატიეცემული მკითხველისთვის, რომ დავიწყებას არ მიეცეს ისინი და ახალგაზდა ავტორნი ცალიერი სიტყვით მინც წავახლისოთ, წევე ჰონორარს ვაძლევდეთ იმათ...

შევნიერია ლეგენდა ბატონა პუ, თ. სავაგანაკლასა.

დასასრულ, უნდა მოვიხსენოთ, რომ შარშან, როცა წელიწადი ილეოდა, პოეტმა-თბი-

ლმა მუშამ ჟურნალ „ცხოვრებაში“ მოათავსა მოთხრობა — „ალექსა“, რომლის შინაარსი, ასე წოდებულ, გამათავისუფლებელი მოძრაობის დროიდან არის აღებულო.

ამ მოკლე თავტების აღნუსხვითაც ჩვენ ის ღრმა რწმენა გამოვიტანეთ, რომ შარშან ასეთი საშინელი, გამწარებული წელიწადი არ ყოფილიყო, მხატვრული მწერლობა საქართველოში უფრო ნაყოფიერი, მდიდარი და ძლიერი იქნებოდა და მწერლები დიდი ხალისით და ენერგიითაც იმუშავებდენ თვისი მშობელი ნორჩი მწერლობის ასაკვავებლათ და ასაღორძინებლათ.

ამათანვე, საზოგადო—პოლიტიკური მდგომარეობაც რომ ხელს უწყობდეს ქართულ მწერლობას, მაშინ ყოველი მძიმე პირობათა გაელენის გარეშეც, ღრმათ დარწმუნებული განზაღვართ, ქართველ მწერალთა შემოქმედება უფრო ძლიერათ, ღონიერათ გაშლიდა ფთას, თუ, რასაკვირველია, ჩვენს რედაქციებში იმათ ისეთი ხელო მძღვანელნიც გყოლენ დათ, რომელნიც წმიდა ზნეობის და ესთეტიკის სიფაქიზით გაუძღვებოდენ საერთო, საზოგადო საქმეს და თავიანთ საკუთარი პირადი თავ—მოყვარობას არ შეწირავენ ქვეყანას და ქვეყნის საქმეს.

* *

არც ქართული ლირიკა ყოფილა შარშან ნაყოფიერი და ღირსშესანიშნავი, თუმცა ეს ჩვენი ტურფა საქართველო მეტად შესანიშნავი „პოეტების“ ქვეყანაა. მე მგონია, ჩვენში „პოეტები“ რიცხვით გაცილებით უფრო მეტია, ვიდრე უბრალო მომავკვადანი...

აბა, ვინ, რომელი გიყი არა წერს ჩვენში ლექსებს? წერენ ლექსებს ბანკირები, სირაჯები, ოქრომქედლები, ხარაზები, ბაზაზები, მზარეულები, ლაქაები, მოხელენი, სტუდენტები, გიმნაზიისა და სემინარიის შეგირდები, ახლად ათქვირებულნი გასათხოვარი ქალიშვილები, თავადები, აზნაურები, ღვდლები, დიაკვნები, ბერები, ვაჭრები, ნოქრები, გლეხები, ერთი სიტყვით, ყოველი წრისა და ხნის ვაჟბატონები

და ქალბატონები. მოკლეთ რო ვთქვა, ძნელია საქართველოში დავასახელო ისეთი ხელობა და ადგილი, რომელსაც, სულ ცოტა რო ვთქვა, უკანასკნელი რო ვიანგარიშოთ, ერთი ასიოდე „პოეტი“ მაინც არ ყავდეს.

ღიას! ჩვენი კურთხეული საქართველო სულ „პოეტების“ ქვეყანაა და მასთან ძალიან სასაცილოც და გაკოტრებული ქვეყანაც...

აქ ლექსებს გზა-დაგზა, ნუნუას სმის, ლხინისა და ქეთვობის და, ასე ვაშინჯეთ, ძილშიაც თხზვენ და მღერაინ. პოეტური ფანტაზიის აღმაფრენა ქართველებს ძალიან ასუბუქებს, ადვილათ მიაქანებს მალა, „შორს უწვდნელ ზეკას“ და ავიწყებიებს ამ წუთისოდის საქმეთა ყოველდღიურ მდგომარეობაზე, „სადაც ბევრს უჭირს ლუკმა დღიური“...

საფიქრებელია, ეს უნდა იყვეს მიზეზი, რო ყოველ გვარ ქართულ საქმეს, როგორც სავაჭროს, ისე კიდევ სხვასაც, დაარსებისთანვე სამარე ეთხრება და არაფერი საქმე ჩვენში აღარ ხეირობს, ვერავითარ ნაყოფს ვერ იღებს. მარა დავანებოთ ახლა აქ ამის თავი... აქაც, ქართულ ლირიკაში შარშან მგონები-იოსებ და გალაკტიონ ტაბიძე იპყრობდა უფრო ჩვენს ყურათღებას. ფრიად შესავიშნავი იყო ჟურნალ „განთიადში (№ 3) დასტამბული ვალ. ტაბიძის ლექსი-აკაკის გარდაცვალების ვაგო. ამ ძლიერს და ენტუზიაზმით აღსავსე ლექსში ახალგაზდა მგოსანი ანუგეშებს ამ ეროვნული უბედურობით გულ მოკლულ ქართველობას, რომ აკაკიმ

სულ უცვლელი უკვდავება ირგვლივ დაამყარა...

საქართველოვ! მაშ, აკაკი არ მომკვდარა, არა! და სხ...

საყურათღებოა ამავე მგოსნის პატარა ლექსი „მერი“.

† იოსებ გრიშაშვილის ლექსები ისტამბულოდა „სახალხო ფურცლის“ ნახატებიან დამატებაში, „თეატრსა და ცხოვრებაში“*) და „განთიადში“.

† ი. გრიშაშვილი, მიუცილებლათ, ქვემარტივ, ცოცხალი ტალანტის მგოსანია. მის ლექსებში ნამდვილი ახალგაზღური პოეტური-

*) „თ. ცხ.“ საყურათღებო პოეტის. ს. აბაშელის „სიხვერი ყვავილები“, მხატვრული ზომიერება რომ იყვეს იქ დასული და გადაჭარბება არ უშლიდეს ბებქილების მიღებას.

ავტ.

სული და ენტუზიაზმია გამეფებული. პოეზია მუდმივი გაზაფხული და სიყვარულია. თუ სიქაბუკეს მუდმივი გაზაფხული და სიყვარული მუდამ თანა სდევს, ჩვენს ქაბუკ მგოსანსაც შვენიერი ქალწული სიყვარულის იდეალათ წარმოუდგენია, გაუღმერთებია და მას უმღერის დიდის გულის ძგერით და განუყოფელი არსების ეშხით...

† შვენიერი, კეკლუცი ქალის სიყვარული არი დაუშრეტელი წყარო იოსებ გრიშაშვილის პოეზიის უდაოდესი საგანი, ეს არის იმის სიმპატიური მუზის სოფლიოსა და ყველა სტიქიაზე უაღრესი, უპირატესი საგანი, რომელსაც უკმევს გუნდრუქს, მანე ლოცულობს და იმის ჯაქვებსა და ბორკილებშია დატყვევებულ ბუღბუღივით მომწყვდეული. ჩვენ მგოსანსაც უყვარს უშვენიერესი ქალის ბორკილებში ყოფნა, რათგან ესეთი ყოფნა ათქმევებს მას ახალ ახალ პოეტურ სიტყვებს, ახალ-ახალ შედარებებს და მეტაფორებს, ახალს სიყვარულს.

† მე ვამტკიცებ, რომ ი. გრიშაშვილის ლირიკის დიდი საგანი მხოლოდ და მარტო, უმთავრესათ, ეს არი და წმინდა სალიტერატურო კრიტიკამაც სწორეთ ამ კერძო პირადს, ინდივიდუალურ შემოქცედობას უნდა მიაქციოს განსაკუთრებული ყურათღება. ჩვენ ჟურნალში („განთიადი, № 3) ნიქიერმა კრიტიკოსმა ბ-მმა იპ. ვართავავამ ჩინებულათ გარჩია იოსებ გრიშაშვილის ლირიკა. კრიტიკოსმა ფსიქო-ინდივიდუალური ანალიზი გაუკეთა ამ ლირიკას.

ტენნიკური მხარე იოს. გრიშაშვილის ლირიკისა ისეთი კოხტა და წარმტაცია, რო ყველა კრიტიკოსები, თვით მისი პოეზიის მქირდაენიც, მგოსანს ვირტუოზს უწოდებენ. მართლაც, ი. გრიშაშვილს რიფმა, რიტმი, თლად სტილიც შესანიშნავი და მომხიბვლელი აქვს და მან აქ სკოლაც შექნა თავისებური და ბევრი მიმბამელებიც ყავს ჩვენ ახალ გაზდა პოეტებში, რომელინც, ისე საოკრათ მრავალებიან, როგორც ზაფხულის ახალს ნაწვიმარზე ტყეში-- სოკოები...

ერთი სიტყვით, ყოველი სიტყვა, თითო-

ული პოეტური გამოთქმა ი. გრიშაშვილისა სავსეა სიცოცხლით, გრაციით, გძნობით და აზრით.

იოსებ გრიშაშვილის წერის მანერა წმინდა და მხატვრული იმპრესიონისტისა აქვს. იგი ერთი — მოქნილი და მოსწრებული ქართული სიტყვით ქმნის სახე — სურათთა ცოცხალ ჩაბეჭდილებას და ამით მკითხველს ძალა უნებურათ აგძნობიებს ქალის სატურფის, სიშენიერის უღიადეს, უტკბილეს არამატს...

გასულ წლის დეკემბრის თვეში გაზ. „საქართველოს“ რედაქციიდან მივიღე ამ გაზეთის ნუმრები. იქ შემხვდა მგონის, ა. შანშაიშვილის*) ორიოდ ლექსი, რომელიც ეროვნულ იდეას უფრო ხატავდა და „საქართველოს“ ნახატებიან დამატებაში წავატყდი მაღალნიჭიერი მგონის, ვ. ძაფაშვილის შესანიშნავს ლირიკულ ლექსს: „არწივი“. კი ხანია, ამის მსგავსი პოეტური სურათი არ წამიკითხვს ჩვენში...

ჟურნალ „განთიადის“ №15 — დან წლის ბოლომდის ისტამბებოდა პოემა „ჩვენი დროის სურათები“, (პირველი კარი) გოგია ვინმესი მგოსანი გოგია ვინმე სწორეთ იმ ხანში უნდა იდგეს ახლა, რა ხნისაც იყვენ ილია ღაკაკი, როცა პირველმა შექნა პოემა „განდევილი“ და მეორემ — პოემა „თორნიკე ერისთავი“.

ეს ხანი, ალბათ, ხელს უწყობს ჩვენებურ ნიჭიერ ადამიანს შექნას სეროზული პოემა, წმინდა მხატვრული სალიტერატურო ტიპი. მე იმ აზრის ვარ, რომ ტიპებით და ხასიათებით ღარიბს, გამოცალიერებულს მწერლობას ლიტერატურის სახელწოდებაც არ შეიძლება მივცეთ.

„ჩვენი დროის სურათები“ სწორეთ ამ მხრით არი საყურათღებო. პოეტს ამ პოემაში დახატული ყავს ტიპი ნიკო ლიამისა, რომელსაც უმაღლეს სასწავლებელში კურსი დაუსრულებია, ჩვენებურ მძძობლ პარტიების ცხოვრე-

*) მგოსანი სანდრო შანშაიშვილის დრამატიული პოემა „ივერიკო“ საყურათღებო ნაწარმოებია, როცა დასრულებდა, ჩვენ მას დაუწვრილმანდებით. ავტ.

ბაში არი სულ ერთიანა გახვეული და თფილი-სიდან საზღვარგარეთ მიდის.

პოემის პირველ კარში, რომელიც დაისტამბა შარშან ჩვენ ჟურნალში, მგოსანმა გზა და გზა მოგვცა შეენიერი ქართლის, იმერეთის და ოდიშის სახე — სურათთა პოეტური აღწერილობანი. დღეობების აღწერა ქართლში, ყრმობის დროს ნახული და განცდილი ჯირითობა და ბურთაობა დასავლეთ საქართველოში, სადაც ერთი ფრიად საყურათღებო გასართობი იყო მთელი ხალხისა და საზოგადოებისა და არავის — კი ჯერ არ აუწერია იგი (გრიგოლ ორბელიანს გარდა) ჩვენს ლირიკაში, წარმოგვიდგენს ერთს დიდს სალიტერატურო ნაშრომს ამ ჩვენი ნიჭიერი მგოსნისას. ამ პოეტის ნიქს ახასიათებს ყოველი თვალსაჩინო მოვლინების მხატვრულათ განსაზოგადოება და ამიტომ, მგონია, ნებაც გვაქვს მოვთხოვოთ მას სამერმისოთ ერთიანი მხატვრული ტიპის დახატვა მის მზიარულ, ცხოველს, მდიდარს და სუბუქ ლირიკაში.

ამით ვათავებთ ჩვენს მოკლე შენიშვნებს ქართულ ლირიკაზეც, რომელსაც აშკარათ ფთები შეუტუსა ამ უშველებელმა საერთაშორისო ომმა. ამ ომმა დააყრუა ჩვენი გძნობა — გონება, შეარყია სულიერი შემოქმედობა და ერთწერტილზე გაყინა ჩვენი ცხოვრება...

მარა ხალხი, ქართველი მშრომელი დემოკრატია და ახალგაზდა ქართული ბურჟუაზია თლ აღ კიდევ არ მოსპობილა. ეს ორი შემომქმედი კლასია ჩვენი ეროვნული გვირგვინის გამჟვედი სამერმისოთ და, ჩვენა გვგონია, რომ სულიერათ ამ ორი კლასის დამადცება არც შეიძლება. ჩვენი მწერლობის ბელადებმა ამ ორ კლასს უნდა მიაქციოს თვისი ფხიზელი ყურათღება ამ ახალი წლის განმავლობაში და იქ გამოიხაზოს ახალი ცხოვრების ახალი იდეალი...

სალიტერატურო კრიტიკა, რომელსაც შარშანდელმა წელიწადმა ძალიან ბევრი მასალა მისცა, რათგან საუკუნოთ დავკარგეთ ერთი უღიადესი ივერიელი მომღერალი, დიადი მგოსანი აკაკი, მაღალ ნიჭიერი ეპიკოსი და სახალხო მგოსანი, ვაჟა — ფშაველა, ბელეტ-

რისტი ნიკო ლომოჯრი და ქოლა ლომთათიძე, ვერ იყო თვალსაჩინო და საყურათღებო, რომ უნდოდა ისეთი.

აქ აღსანიშნავია აკაკის დახასიათება ბატ. არიელისა, რომელიც დაისტამბა „თანამედროე აზრში“ და ჩვენს ჟურნალში იყო გადმოსტამბული (№4, ჟურ. „განთიადი“), ვაჟა—ფშაველას კრიტიკული დახასიათება ახალგაზდა კრიტიკოსის, ბ-ნ გერონტი ქიქოძის, რომელიც ჩვენ ჟურნალშიაც იყო გადმოსტამბული („განთიადი“, №15) „სახალხო ფურცელიდან“. ნიჭიერი კრიტიკოსის, ბ-ნ ივ. ვართაგავას კრიტიკა მგოსან ი. გრიშიშვილის ლირიკისა, რომელიც დაისტამბა ჟურნალ „განთიადის“ № 8—ში და ამავე კრიტიკოსის საყურათღებო ლექციები: „აკაკი, როგორც სატირაკოსი“. ლამაზათ იყო დახასიათებული ქოლა ლომთათიძეც „თანამედროე აზრში“ ბატ. ან—ის მიერ, რომლის სტატია ჩვენც გადმოვსტამებთ შარშან ჟურნალ „ცხოვრების“ № 1—ში.

დასასრულ, უნდა სიამოვნებით მოვიხსენოთ ჩვენ ჟურნალში გადმოთარგმნილი 1889 წ. „Новое обозрение“—ში უპირველესი და უნიჭიერესი ქართველი კრიტიკოს-პუბლიცისტის, ბატ. ნიკო ნიკოლაძის სტატია ილიასა და აკაკიზე, საიდანაც ჩვენი ახალგაზდა მგოსნების საყურათღებოთ, ადგილი რო გვექონდეს, მოვიტანდით კრიტიკოსის სიტყვებს, რომელნიც ერთ უშველგებელ მუჯღღუგუნებათ გამოადგებოდათ თლად ჩვენს ახალგაზდა მწერლებს.

ხამლედი.

ბიბლიოგრაფია*)

ჟურნალ „ცხოვრების“ რედაქციამ მიიღო კომერციული არითმეტიკის პირველი წიგნაკი, რომელიც შეუდგენია ზესტაფონის საურთიერეთო ნდობის საზოგადოების თავმჯდომარეს, ბ-ნს კონსტანტინე გიგინეიშვილს.

პატივცემულ ავტორს აღძვრია მეტათ

*) შემდეგ ნუმერში მოვათავსებთ ბიბლიოგრაფიას „памяти Акакія Церетели“ რომელიც პეტროგრადში დაუსტამბავს ჩვენს ნიჭიერ თანამემამულეს, ბ-ნს მ. მ. ს. რედ.

კეთილშობილური სურვილი წიგნაკებათ დაბეჭდოს ხელსამძღვანელო კომერციული არითმეტიკისა.

ამ დაბეჭდილს მოყვება კიდევ სამი წიგნაკი, სადაც შინაგანი ვაჭრობის ანგარიშები იქნება მოთავსებული. ვარეშე ვაჭრობის ანგარიშები კი ერთს სრულიათ ცალკე წიგნაკში დაისტამბება.

ამაირათ, ჩვენი ენერგიული ავტორი ქართველ საზოგადოებას პირდება შეძენას ხუთი წიგნაკი, რომლის სისრულეში მოყვანას სულით და გულით ვუსურვებთ მას.

ამ პირველ წიგნაკში ავტორს მოუთავსებია:

1. შემოკლებული (იტალიანური) წესები ოთხივე მოქმედებისა მთელ რიცხვებსა და ნაწევრებზე,
2. მეტროლოგია რუსეთისა,
3. ჯაჭვური წესი,
4. პრობი,
5. პროცენტების ანგარიში და
6. სავარჯიშო ამოცანები.

ავტორი შენიშნავს, რომ სავაჭრო არითმეტიკის შესწავლის მსურველმა წინასწარ თეორეტიული არითმეტიკა უნდა იცოდეს. ამიტომაც ამ წიგნაკით იმ პირს შეუძლია ისარგებლოს, ვისაც საერთო არითმეტიკიდან ოთხი მოქმედების წესები მაინც უკვე შეუსწავლია. მიუხედავად ამისა, კაცმა რომ ნასწავლი მებსიერებაში ადვილათ აღადგინოს, მე აქ ოთხივე მოქმედების წესები მთელ რიცხვებსა და ნაწევრებზე კონსპექტიურათ მაინც შევადგინე“.

სარგებლის ანგარიშიც აქვს მოთავსებული ავტორს ამ წიგნაკებში.

წიგნაკი სუფთათ და კარგ ქალღმერთად დასტამბული, ღირს სამი აბაზი.

ო.მი და კულტურა

ამ ბოლო დროს გახშირდა ზავზე ლაპარაკი. ორივე მებრძოლ მხარეს დაღლილობა

*) „სახალხო ფურცლის“ ახალწლის ნუმერში დაისტამბა ფრიად მოსაწონებელი სტატია ახალგაზდა ქარველი კრიტიკოს-პუბლიცისტისა („ომი და კულტურა“) რომელიც ნიჭიერათ ახასიათებს ამ ჩვენი დროის დიდ დი კაპიტალისტური იმპერიების საომარ ძლიერებას და კულტურულ ძალა განწყობილებას. ჟურნალ „ცხოვრების“ მკითხველის საყურათღებოთ ვსტამბავთ აქამ სტატიას თავიდან ბოლომდე. რედაქცია,

ეტყობა. მარა არც-ერთს არ სურს ამაში აშკარათ გამოტყდეს. ეს ადვილი ასახსნელია: ომის საბოლოო შედეგები დამოკიდებულია არა მარტო იმ ენერჯიაზე, რომელიც უკვე გამოაშკარავდა, არამედ იმაზედაც, რომელიც ჯერ კიდევ დაფარულია თითოეული მეომარ სახელმწიფოში. ჯერ-ჯერობით გერმანიას თავის თავი გამარჯვებულად მიაჩნია. მარა, თუ აღმოჩნდა, რომ მისი ნახტომები დაჭრილი ვეფხის ნახტომები იყო, მოწინააღმდეგეები დაუცდიან, სანამ ის ნელ-ნელა სისხლით დაიცილებოდეს.

ძნეო-კი არის იმის გამოკვლევა, თუ ვინ არის უფრო დაქანცული და არაქათ-გამოღებული. განსაკუთრებით ასეთ შემთხვევაში, როცა ავთოყოფი ყოყოჩობს საკუთარი გულის გასამაგრებლად და სხვების თვალის ასახვევად. ეროვნება რთული სხეულია. შეიძლება, მისი ასოები უკურნებელი სენით იყოს გამსჭვალული, გარეგნულათ-კი აგრერიგათ არაფერი ჩანდეს. შეიძლება, პირიქით, ტკივილები ზრდის და გამაგრების პროცესმა გამოიწვიოს. ვინ იფიქრებდა ამ ორიოდ წლის წინათ, რომ განსაცდელში თანამედროვე გერმანია უფრო ერთსულოვანი აღმოჩნდებოდა, ვიდრე თანამედროვე ინგლისი? ვინ იფიქრებდა, რომ ბებერი ავსტრია ცოცხალი გადაურჩებოდა პირველ ძლიერ შემოკერას? გერმანია სამოქალაქო ომით იყო გათიშული. კლასთა ბძოლის თეორია აქ დაიბადა და პრაქტიკამაც აქ მიაღწია უმოდლეს წერტილს. მთელი ერის მესამედი შეუზრგებელს ოპოზიციაში უდგა ახლანდელ საზოგადოებრივ წეს-წყობილებას. გერმანელი პროლეტარიატი უარყოფდა ბურჟუაზულს მორალს, ბურჟუაზულს პოლიტიკას, ბურჟუაზულ სახელმწიფო მეურნობას. თავის მხრივ, გერმანელი მფლობელი კლასები მდგარ წინააღმდეგობას უწევდნენ რევოლუციურ თავდასხმას.

სრული იდილია, რასაკვირველია, არც ინგლისში სუფევდა; მარა, ევროპის კონტინენტთან შედარებით, ეს კუნძული სოციალურა მშვიდობიანობის საძვეფოთ ითვლებოდა. ამ ქვეყანამ წარმოშვა არა მემობოხეები, არა რევოლუციის წინასწარმეტყველები, არამედ მშვიდობიანი ფილანტროპები და რეფორმატორები. რეფორმატორული ხასიათი ქონდა თვით მუშათა კლასის მოძრაობასაც; ტრედუნიონებს უფრო პროფესიული მიზნები ამოძრავებდათ, ვიდრე პოლიტიკური. ინგლისის პროლეტარი-

ატი არ ოცნებობდა თანამედროვე საზოგადოებრივი შენობის მოშლაზე და გადაბრუნებაზე: ის მხოლოდ მის შეკეთებას და გალამაზებას ცდილობდა. მარა საერთაშორისო შეტაკებაში მარქსების, ლასალეების და ბებელეების სამშო. ბლო მინც უფრო მტკიცე და გაერთიანებული აღმოჩნდა, ვიდრე ოვენების, კობდენების, დიხრაელეების და კარლაილების ქვეყანა. მსოფლიო ომის მაერ მოძღვნილ სიურპრიზებში ეს სიურპრიზი ყველაზე მეტათ ანაზღეული და გასაოცარია.

სხვა-და-სხვანაირათ ხსნიან გერმანიის არაჩვეულებრივ მილიტარულ სიძლიერეს. ამბობენ, რომ მას შეუდარებელი საომარი ტენიკა აქვს. უკანასკნელი ორმოცი წელიწადი ომის მზადებაში გაატარა, აურაბელი სამხედრო მასალა დააგროვა, შესაფერი ორგანიზაცია და სულიერი განწყობილება შექმნა, რა გასაკვირალია, რომ გაუსწრო იმათ, ვინც არაფერს ელოდა და არაფრისთვის არ ემზადებოდა?

ასეთი ახსნა არ არი საესებით სწორი. ომისთვის ყველა ევროპული სახელმწიფო ერთნაირი გაფაციცებით ემზადებოდა. საფრანგეთს რუსეთს მუდმივი ჯარი დაახლოვებით იმდენივე უჯდებოდა, რამდენიც გერმანიას. შედარებით კიდევ მეტიც, თუ სახეში მივიღებთ საფრანგეთის მცხოვრებთა სიცოტავეს და რუსეთის სიღარიბეს. ინგლისში მილიტარიზმი არ იყო გავითარებული, მარა სამავიეროთ მარინიზმი ნთქავდა უზარმაზარ თანხას. გერმანიას არც ერთი დიდი ომი არ უწარმოებია უკანასკნელი ორმოცი წლის განმავლობაში: ჩინეთის და სამხრეთ აფრიკის ექსპედიცია უმნიშვნელო ებიზოდა იყო. ინგლისს, პირიქით, ხანგრძლივი და სისხლის მღვრელი ომი ქონდა ტრანსვალთან, რუსეთს ოსმალეთსა და იაპონიასთან, იტალიას აბესინიასა და ოსმალეთთან. საფრანგეთის მესამე რესპუბლიკა ხო დაბადების დღიდანვე შეუღვა რევანშუათვის მზადებას?

არც ის არი მართალი, თაქო მარტო საომარი ტენიკა წარმოადგენდეს ცენტრალური სახელმწიფოების უპირატესობას. თანამედროვე ტენიკის აკვანი ინგლისია და არა გერმანია; თანამედროვე სამხედრო ხელოვნებას საძირკველი პირველათ საფრანგეთში ჩაეყარა ტურენებისა, გობანებისა და ნაპოლეონების შემწეობით. და დღესაც შეთანხმების სახელმწიფოები, აჭერთოდ ტენიკის მხრით, ბევრით

არაფრით ჩამორჩებიან გერმანიასა, ავსტრი-უნ-გარეთსა და ოსმალეთს. ბალკანეთის ომში, რომელიც ამ სამიოდე წლის წინათ ატყდა, ოსმალეთი გერმანული სისტემის თოფ-იარაღით იყო აღჭურვილი, მოკავშირეები-კი ფრანგულით. ამ გარემოებამ ოსმალეთი ვერ იხსნა საშინელი დამარცხებისგან. მაშინ ამბობდნენ, რომ კრწანთის მხარეში გაიმარჯვეს კრწანთელებს, პირიქით, კრწანთის ქარხნებს ყოველგვარ სასწაულო მოქმედებას აწერენ.

უეჭველია, რომ ტენიკას ძლიერ დიდი მნიშვნელობა აქვს ეკონომიურს ქიშობაშიც და ომშიც. ამიტომ ადვილი ასახსნელი და გასამართლებელია ის გარემოება, რომ დღეს მემორი კოალიციები ასეთი ენერგიით ცდილობენ ტენიკურ საშვალეების გაძლიერებას. გერმანიაში მეცნიერები იჩინებენ განსაკუთრებულ აქტივობას. შეთანხმების სახელმწიფოები ამერიკის ქარხნებს უკვეთენ თოფ-იარაღსა და სამხედრო იარაღებს გენიოსები ყოველთვის იმ აზრის იყვნენ, რომ გამარჯვება საბოლოოთ დამოკიდებულია არა მარტო თოფ იარაღზე, არამედ იმ ხელუხლებელ ძალაზე, რომელსაც ხალხის სული ეწოდება. ეს არის ის ღვთაებრივი ელემენტი, რომელიც ნაპოლეონის აზრით ყოველს ომში მოაპოვება.

მარა საქმე ის არი, რომ ტენიკური იარაღების დაკვეთა შეიძლება, ხალხის სული-კი ქარხნებში ვერ მომზადდება. სამხედრო აფრთოვანების გიმოსაწვევით განსაკუთრებული პირობებია საჭირო, ამ პირობების შექმნა-კი ადამიანის ხელთ არ არი. საფრანგეთის დიდმა რევოლუციამ შექმნა ასეთი მილიტარული აფრთოვანება, რომელიც ეროვნულ მილიციას, ჟირონდისტების ჰერმეტიკელობასა, დანტონის და კარნოს საორგანიზაციო ნიქსა და ნაპოლეონის სტრატეგიაში გამოიხატა. ეს რომ არ ყოფილიყო, საფრანგეთი თვისი ტენიკათ ვერაფერს გააწყობდა შეკავშირებული ევროპის წინააღმდეგ. დღესაც ასეა. დღესაც კულტურული სისტემე და ეროვნული ენტუზიაზმია საჭირო გამარჯვების მისაღწევათ...

ადრინდელ საფრანგეთში ენტუზიაზმს დიდი დემოკრატიული იდეალები ქმნიდნენ. საფრანგეთის მილიციონერები და ლეგიონერები ფიქრობდნენ, თავისუფლება და თანასწორობა მიქონდათ კაცობრიობისთვის. დღინდელს გერმანიაში ენტუზიაზმს ეროვნული იდეალები ქმნიან. გერმანელებს გონიათ, რომ მათ მაღალი

კულტურა შეაქვთ ევროპაში. შეიძლება, ეს ილუზია იყოს. ილუზიას ხშირათ მეტი დამაჯერებელი ძალა აქვს, ვიდრე ფიზიკოს ქეშმარიტებას. ყოველს შემთხვევაში, ამ ილუზიასაც აქვს თვისი საფუძველი. გერმანელები ამბობენ, რომ მათ თავი დაახწიეს ინდივიდუალური დაქსაქსულობის ხანას და საზოგადოებრივი ორგანიზაციის საფუძერს მიადწიეს. მართლაც, ამ ხალხმა გასაოცარი საორგანიზაციო ნიქი გამოაშკარავა განსაცდელის დროს. ამით აიცილა ცხოვრების გაძვირება, ეპიდემია და შიმშილი, რომელიც მისთვის უდიდეს საფრთხეს წარმოადგენდა. ომის დაწყებისთანვე პური და კარტოფილი სახელმწიფო მონაპოლია იქნა გამოცხადებული, საკვები მასალის მოხმარება სასტიკს კონტროლს და ექვემდებარა. ასეთმა რადიკალურმა ზომებმა შეუძლებლათ განადგინებულია ცილა და ხალხში გაამტკიცეს ნდობა სახელმწიფოსადმი. თუ დღეს გერმანიაში გირვანქა პური იმდენსავე ფასობს, რამდენსაც ომის დაწყებამდე ფასობდა, ეს, უეჭველათ, არა ნაკლებ ამტკიცებს სახელმწიფო ძალის პრესტიჟს, ვიდრე ანტეერპენის, ან კონოს აღება.

ზოგიერთს ქვეყანაში სახელმწიფო არავითარ მნიშვნელოვანი კულტურულ როლს არ თამაშობს: მისი დანიშნულება თითქმის სავსებით ბეგარისა და გადასახადის აკრეფით ისაზღვრება. რასაკვირველია, ასეთ ქვეყანაში ხალხი ნაკლებად დაინტერესებული სახელმწიფოს ბედ-იღბალით და გულ-გრილათ უცქერის მის დანგრევას. ვერავითარი ტენიკა ვერ იხსნის ასეთ სახელმწიფოს დამლისა და დაღუპვისგან. ეს საქმათ ნათლათ დაგვანახვა წარსულმაც და აწმყოფმაც...

ზოგიერთს ქვეყანაში, პირიქით, სახელმწიფო საყურათლებო კულტურულს მუშაობას ეწევა. მარა ცდილობს, რაც შეიძლება, ნაკლებ გაერიოს კერძო თუ საზოგადოებრივ ცხოვრებაში. ინგლისის პოლიტიკური სიბრძნის მიხედვით, კერძო ინიციატივას, შემოქმედებასა და კონკურენციას, რაც შეიძლება, ფართო ასპარეზი უნდა მიეცეს. სახელმწიფომ თავის ნებაზე უნდა მიუშვას საზოგადოების თითოული წევრი. კერძო ინტერესთა შეტაკებასა და შეთანხმებაში თავისთავად დაიბადება საზოგადოკეთილდღეობა.

ასეთი მდგომარეობა საუკეთესო იქნებოდ

იმ შემთხვევაში, საზოგადოების სხვადასხვა ჯგუფები და წევრები თანაბარ პირობებში როყოფილიყვენ ჩაყენებული. თანამედროვე წესწყობილებაში ეს ასე როდია. ზოგი კაპიტალით და მამულით არის აღჭურვილი, ზოგი ცოდნით და განათლებით. ზოგი მოკლებულია საწარმოვო ძალასაც და გონებრივ კულტურასაც. ასეთ საზოგადოებრივ წესწყობილებაში თავისუფალი კონკურენცია იმას ნიშნავს, რო შეუძლო კლასი ხელფეხ შებორკილი მისცეს შეძლებულს.

ამ წინააღმდეგობათა შეგნებიდან გამომდინარობს გერმანული შემეცნება სახელმწიფო ძალისა, როგორც უზენაესი შეამაგლის და მსაჯულისა სხვადა სხვა კლასებს შორის. აღმოსავლეთური დესპოტიის წინააღმდეგ აქ სახელმწიფო ცდილობს, რაც შეიძლება, მეტი კულტურული შრომა გასწიოს. ფრიტრედერული ლიბერალი ინგლისის წინააღმდეგ ის იჭრება საზოგადოებრივ ცხოვრებაში და სავალდებულო ნორმებს აყენებს. ამ ორმაგი მოღვაწეობის ნაყოფია არა მარტო საყოველთაო პირველდაწყებითი სწავლა-განათლება და იძულებითი სამხედრო ბეგარა, არამედ მრავალ მხრის სოციალური კანონმდებლობა, სახელდობ: ბავშვების და ქალების მუშაობის განსაზღვრა, საკვირაო დასვენების დაწესება, მუშების დაზღვევა ავთომყოფობისა, უბედური შემთხვევისა, სიბერისა და ინვალდობისაგან, შემარიგებელი კამერების და საფაბრიკო ინსპექციის მოწყობა და სხ. ბისმარკი ამბობდა: ჩვენ გვინდა, რაც შეიძლება, მეტი კმაყოფილება შევქნათ იმ შემთხვევისთვის, თუ ბძოლა მოგვიხდებავო. * დღინდელმა ამბებმა საესებით გაამართლეს ბისმარკის მოქმედება. თუ განსაცდელის დროს გერმანიის მუშათა კლასი ერთთავად სახელმწიფოს მიეკვდლა, ეს არ აიხსნება, როგორც ზოგიერთს გონია, არც გონებრივი სიბეცით, არც რწმენის ლალატით. ეს ყოფაქცევა ნათლათ შეგნებული და გათვალისწინებულია. როცა საქმე არჩევანზე მიდგა, ხალხმა სალი ინსტიტით, თუ ანგარიშით ის სახელმწიფო ორგანიზაცია აირჩია, რომელიც მას მეტს აძლევს კულტურული შემოქმედებისა და სოციალური კანონმდებლობის სახით. სიბეცე და წინდაუხედავობა ის იქნებოდა, რომ ეროვნული ღირებულებები ჯკუეგდო, რალაც განყლებული ინტერნაციონალიზმის გულისთვის.

დღინდელი დღე შეუფერებელია ფართე კანონმდებლობის საწარმოებლათ. მარა გერმანია მაინც ცდილობს კულტურული მუშაობით მოინადიროს დაპყრობილი ხალხების გული. თუ რუსულ გაზეთებს დაეუჯერებთ, იმპერიის მთავრობას ბელგიაში საყოველთაო სწავლა-განათლება შემოუღია, ფლამანდური ენისთვის სათანადო უპირატესობანი მიუნიჭებია და მუშათა კლასზე გერმანული სოციალური კანონმდებლობა გაუერცყლებია. პოლონეთში გაყვანილ იქნა ახალი რკინის გზები და შოსეები, აღდგენილ იქნა პოლონური ენის უფლებები, ვარშავაში პოლონური უნივერსიტეტი გაიხსნა, ქალაქებს თვითმმართველობა მიენიქა და სხ.. უმჯველია, რომ ასეთი ზომები თანაგძობას იწვევენ გერმანიის დემოკრატიაში, მით უმეტეს, რო ცენტრალურ სახელმწიფოებს, როგორც ჩანს, სურთ ასე, თუ ისე პოლონეთის ეროვნული თვითმმართველობა მოაწესრიგონ.

სხვა მებძოლი სახელმწიფოებიც იძულებული გახდებიან ანგარიში გაუწიონ დემოკრატული კულტურის მიათხოვნილებებს. სხვაფრივ არც შეიძლება ბძოლა და გამარჯვება. ხიშტები ძლიერ ძალას წარმოადგენენ, მარა არა ნაკლებ ძალას წარმოადგენენ ეპოქის იდეები.

გერონტი ქიქიაძე

მკლები ცხვრის ტყავში.

ამ უმაგალითო სისხლის ღვრამ, თვრვამეტი თვის განმავლობაში, შეუბრალებელმა ადამიანთა და პირუტყვთა ხოცვა-ჟღეტამ და მისგან გაწვეულმა პირობებმა, ყოველგან აუტანელ გაჭირვებულ მდგომარეობაში ჩაყენა ყველას მარა ყველაზე უარესი „ღვთის რისხვა დაატყდაო“, რო იტყვიან ეს დღეს სოფლელებზე, მშრომელ ხალხზე ახდა, განსაკუთრებით კი დასავლეთ საქართველოში... ჯერ იყო და პირველი მობილხაციის დროს, დახაკეს ტანქაელი მომუშავენი სოფლიდან. მერე, თანდათანობით

აახლკახუებას ჯარში გაწვევამ და შემდეგ, ასე წოდებულ, წითელ ბილეთიანების (part. მოძ. I part.) ლაშქარში გაყვანამ ხოსულ აღარავინ დატოვა სოფლათ მუშაობის

შემძლებელი. ამას-ზედ დამატა სტიქიური მოვლენანი: ორი წლის ზედიზედ მოუსავლობა, შიმშილი, წყალდიდობით განადგურება, ავთ-მყოფობა, გაორ-სამკეცებული ხარჯი გადასახადები, საარაკო სიძვირე ყველაფრის (ნებით, თუ უნებლიეთი) და სხვა მრავალი მძიმე დასაკმაყოფილებელი მიუცილებელი მოთხოვნილებაანი ადამიანის არსებობისათვის. ყველა ამის მარტო მოგონებაც, გათვალისწინება და პასუხის გაცემა თავ-ზარს, მესხა სცემს გლეხობას... ეძებს გამოსავლელ გზას, მარა ჯერ-ჯერობით ვერ უპოვია და, ვინ უწყის, როდის იპოვის... სურს ეს ყოველივე დაივიწყოს, მარა მწარე სინამდვილე თვალ წინ უდგას... მხოლოდ მაშინ შეიძლება მისი დავიწყება, როცა გაქრება იგი ამა ქვეყნიდან.. სოფელი მოხუცებულობის და ბალღების ამარაა მიტოვებული. არის ისეთი ოჯახი, საიდანც ოთხი, ხუთი და მეტიც არიან გაყვანილი ბძოლის ველზე და მათი წრვილი ცოლ-შვილი, მოხუცი ავთმყოფ მშობლების ხელშია... ათასი ვაი უბედურებასთან ერთად შიმშილიც თავს დატრიალებს და თავის ჯალათურ ცულდს იქნევს, მარა შველა არ საიდან არი... თუმცა სათადარიგო ჯარის კაცების ოჯახის ზოგ წევრს აძლევს დახმარების სახით. 17 კაპ. 2 მან. 5 წ. კაპიკამდი, მარა ეს წვეთია ზღვაში და იგიც რომ არაა დროზე. აი, ასეთი აუტანელი დროით სარგებლობენ ცხოვრების ხორც მეტები და მიყოლიან ისედაც გამაღტყავებული ხალხის ცარცვა-გლეჯას, აწიოვებას... არ ზოგავენ არაფის, დიდ და პატარას, მდიდარსა და ღარიბ-ღატაკს, მათში შებრალება, შეკოდებას ადგილი არა აქვს მცარცველ-ნაძირალები არ ზოგვენ რითაც შეიძლება ეს ხოსულით და ხორცით ვამხეცებული ადამიანები არიან რომლებსაც ნებით, თუ უნებლიეთ დაუკარგავთ ყოველივე ადამიანობა და გავარდნილან იარაღით ხელში, მხეცათ ტყეში...

მარა, ვაი უბედურებას, რომ არც ივინი ჩამოუვარდებათ იმ ზემოხსენებულ გამხეცებულ ადამიანებს, რომელთაც ხალხის ქირისუფლათ მოაქვთ თავი საქვეყნოთ. ამისი მაგალითიც მრავალია...

ტყეში შეზიზნული მცარცველ-ნაძირალებისა და ამათ შორის გასხვავება მხოლოდ ისაა, რომ პირველნი აშკარა, ნება დაურთველი მცარცველები არიან და უკანასკნელნი-კი სხვა ფორმით: ნება დართულ სრულიათ უიარაღოთ, ტპილი სიტყვებით ცარცვავენ უმწყით

დარჩენილთ. გარეგნულათ გულ შემატკივარ, ქირისუფლათაც აჩვენებენ ყველას თავს. მარა, რომ იტყვიან, მახათი ტომარში არ დაიმალებათ, ისე არც მათი „საქმენი საგმირონი“, იმალებიან... და ამ არა ბუნებრივ-არა ნორმალურ დროს სულერიმამებიც ხელს იბობენ სხვა და სხვა ხრიკებით... მათ რიცხვს არც სოფ. ნოსირის წმ. გიორგის ეკლესიის ღვდ. მამა ხარიტონი ჩამორჩა, რაც გამოიხატა ამას წინათ სათადარიგო ჯარის კაცების ბავშებისთვის მეტრიკული ამოწერილობის მიცემის დროს...

მარა მ. ხარიტონი, მიუხედავად ამისა, იმ ბავშების მამებს ბძოლის ველზე თფილ, თფილ ებისტოლებს უგზავნის და მათი ოჯახის უერთგულესი ქირისუფლობასაც პირდება...

აღბათ, იმ იმედით, რომ მგელი ცხვრის ტყავში შეუმჩნევლათ დარჩეს...

3. ოხრობეთელი.

რ ე დ ა ქ ც ი ი ს გ ა ნ .

რედაქცია ჟურნალ „ცხოვრების“ ქუთათურ ხელის მომწერთა საყურათლებოთ აცხადებს: ვისაც მორიგი ნუმერი თავის დროზე არ მიუვა, გადაცხადოს რედაქციის კანტორაში (ქარვასლის ქ., სტამბა, „ძმობა,“ ჩარექოვას სახლი), ფულაც იქ წარადგინოს და კვიტანცია მიირთვას. აგრეთვე რედაქცია თხოვს ჩვენ მწერლებს, ჟურნალში დასაბეჭდი მასალაც იქვე დატოვონ ხილმე. ხილო ვთხოვთ მწერლებს, წერილები წერონ ცალგვერდზე, გარკვეული ხელით და უსათუოთ სახელი, მამის სახელი და გვარი მოაწერონ და მისამართიც აღნიშნონ. წინააღმდეგ შემთხვევაში, რედაქცია წერილებს არც-კი გადაათვალიერებს. რედაქცია საყოველთაოდ აცხადებს, რომ უმარკო წერილებს იგი ფოსტილან არ დაიხსნის. ავტორებთან მიწერ-მოწერასაც ვერ იკისრებს.

რედაქტორ-გამომცემელი **რომანოზ ფანცხავა**

ნებადართულია სამხედრო ცენზ.

სტამბა „ძმობა“ ქარვასლის ქ., სახლი ჩარექოვისა.